

玉海

玉海卷第一百十三

夏儀王應麟伯厚言

學校

視學

天子一入學而所教者三，釋奠以教其重道，合樂以教其崇德，養老以教其致孝。

周視學

又王世子天子視學，大昕鼓召，所以警衆也。

注周禮凡用樂

大胥以鼓召學士

衆至，然後天子至者，命有司行事，興秩節。

祭先師先聖焉。

注不親祭之者視學觀禮耳

有司卒事，反命始之。

養也

養老之處

適東序釋奠於先老

注養老東序則視學於上座

遂設

三老五更群老之席位焉適饌省醴養老之珍具遂

發咏焉退脩之以孝養也反登歌清廟既歌而語以

成之也言父子君臣長幼之道合德音之致禮之大

者也下管象舞大武大合衆以事達有神興有德也

正君臣之位貴賤之等焉而上下之義行矣有司告

以樂闋王乃命公侯伯子男及群吏曰反養老幼于

東序終之以仁也

注孝經說所謂諸侯歸各帥於國大夫勤於朝州里驥於邑也

凡大合樂必遂養老注大合樂謂春入學舍菜合舞

秋頒學合聲於是時也天子則視學焉遂養老用其

明日也疏云周禮大胥雖無視學之文月令季春大合樂天子親往則合舞合聲之時亦親視學也天子視學謂仲春合舞季春合樂仲秋合樂於此時天子親往視學也天子視學在虞庠之中有司釋奠既畢入反於國明日乃之東序而養老若尋常視學則於東膠中惟行養老之禮

學記未卜禘不視學疏皇

氏云禘大祭在於夏天子諸侯視學之時必在禘祭之後此視學謂考試學者經業或君親往或使有司爲之非天子大禮視學也若大禮視學在仲春仲秋及季春文王世子注

云云

月令季春大合樂天子率

三公九卿而視學焉與此別也天子春秋視學亦應
在春秋時祭之後一王制王親視學注習禮皆於大
學一月令仲春上丁命樂正習舞釋菜天子乃帥三
公九卿諸侯大夫親往視之仲丁又命樂正入學習
樂季春是月之末擇吉日大合樂天子乃率三公
九卿諸侯大夫親往視之一三禮義宗一年之內視
學有四見養老類

漢車駕幸太學

光武紀建武五年十月初起太學車駕還宮幸太學
賜博士弟子各有差朱浮傳親臨觀饗
一桓榮傳建

武十九年拜爲博士車駕幸太學會博士論難於前
紀安帝延光三年三月壬戌幸太學 靈帝光和
五年十二月幸太學 獻帝初平四年十月太學行
禮車駕幸永福城門臨觀其儀賜博士以下有差

漢臨辟雍

見上 學校類

漢諸王會辟雍

紀永平二年三月臨辟雍初行大射禮秋九月沛王
輔楚王英濟南王康淮陽王延東海王政來朝冬十
月壬子幸辟雍初行養老禮 中山王焉傳永平

二年冬諸王來會辟雍事畢歸蕃

紀十月中山王焉始就國

李尤辟雍賦三后八蕃師尹羣卿載甫垂畢其儀踰踰

晉幸辟雍

見上 傳立有帝幸辟雍鄉飲酒賦

魏梁後周幸太學

魏志甘露元年四月丙辰幸太學二年五月辛未幸
辟雍命羣臣賦詩 齊書永平四年三月國子學講
孝經車駕幸學 梁書天監二年三月己丑十二月
癸未幸國子學親臨講肄策 冑子 後魏書太和

十六年四月甲寅幸皇宗學親問博士經義十七年九月壬申幸太學觀石經後周書保定三年四月戊午幸太學以太傅于謹爲三老而問道焉隋書開皇十年十一月辛卯幸國學儀觀釋奠之禮

宋元嘉幸國子學

宋書元嘉二十三年九月己卯幸國子學策試諸生荅問凡五十九人十月戊子賜帛

唐幸國子學

紀武德七年二月丁巳貞觀十四年二月丁丑

日皆幸國子學親臨釋奠禮志皇帝視學設大次于

學堂後皇太子次于大次東設御座堂上講榻北向
皇太子座御座東南西向其日皇帝乘馬祭酒帥監
官學生迎于道左皇帝入次執經侍講執如意者與
文武學生皆就位堂下侍中奏外辦皇帝升北階即
坐皇太子乃入就位在位皆再拜侍中敕皇太子王
公升皆再拜乃坐執讀執經釋義執如意者授侍講
秉詣論義坐問所疑退以如意授執者還坐皆降若
賜會則侍中宣制皇帝返次羣官既會皇帝還監官
學生辭於道左

傳陸德明武德七年高祖已釋奠

召博士徐文遠等各講經德明隨方立義徧析其要

帝大喜，賜帛五十匹。徐文遠、高祖幸國學，觀釋奠。

文遠發春秋題論，難風生。

詔諸王公子弟各就學。

孔穎達貞

觀四年爲祭酒，詔講孝經，穎達作頌。呂溫頌曰：辟

雍沈沈，天子所臨，或絃或歌，講古述今，其徒八千，纓弁森森，濊貊羌髳，咸誅德音，羽林孤兒，亦垂青衿。

建隆幸國子監

建隆二年十一月己巳九日幸大相國寺，移幸國子監。

三年正月癸未二十五日幸二月丙辰二十三日幸，四年四月

丁亥十六日幸國子監，謁文宣王廟。遂幸武成王廟。七月丁卯，又

幸。周顯德二年，以天福普利禪院，初建國子監國

初又增置學舍太祖親撰先聖及亞聖贊十哲以下分命宰臣兩制撰太祖三幸國子監閱土木之功

會要建隆元年二月太祖幸國子監詔加飾祠宇及塑繪先聖先賢先儒之像帝親製文宣王及兖公二

贊

藝祖即位之月首幸國學次月又幸

祖宗故事云建隆元年正月初

幸二月范祖禹於帝學言之

曰放祐後嗣立太平之基范百禄上

哲宗視學疏又言之

曰祖宗隆儒師古躬化天下之意

而續通鑑長

編會要日曆等書皆逸不載

據實錄本紀太祖以建隆二年十一月始幸國

子監三年正月又幸

趙師民勸講箴在我太祖神武披攘親

駕辟離真儒有光

太平興國幸國子監 端拱幸太學

太平興國四年二月二十一日 壬子 幸國子監因幸

玉津園習射 端拱元年八月庚辰 二十日 車駕幸國

子監謁文宣王廟命博士李覺講周易泰卦賜綵段

四百 移幸玉津園習射辛巳上謂丞相曰朕昨日聽

說泰卦文理深奧足以爲君臣鑒戒與卿等遵守之

趙普等頓首謝 政要上幸國子監謁文宣王畢召

覺令對御講說覺曰陛下六飛在御何敢輒升高坐

帝爲降輦令有司張幃幕設列坐覺講泰卦從臣皆

康熙二十六年刊

列坐因述天地感通君臣相應之旨帝說

講泰卦者太宗李覺直宗馮元仁宗楊安國

高宗高閑

淳化幸國子監

淳化五年十一月丙寅日十七上幸國子監賜直講孫

奭五品服因幸武成王廟徧閱塑像至郭子儀曰各

將無震主之威宜其祀享至李晟曰德宗播起非晟

克復則唐運已去咨嗟久之復幸太學賜羣臣坐時

侍講李至執經講堯典一篇未畢令奭講說命三篇

帝曰尙書王言治世之道說命最備文王得太公高

宗得傳說皆賢相也至事不師古以克永世匪說故
聞上曰誠哉是言因歎口何高宗之時而有賢相如
此飲從官酒三行賜奩帛三十匹

咸平幸國子監

景德幸國子監

見觀書

咸平二年七月甲辰幸國子監謁先聖因覽壁畫三
禮圖移幸武成王廟復至國學命學官崔俛佺講大
禹謨賜緋祭酒邢昺以下銀綵還幸崇文院閱群書
命從臣縱覽登祕閣觀太學聖製墨迹惻愴久之賜
秘書監楊徽之等器帛職掌緡錢

祕承劉鐸獻幸太學于
九月壬午以爲直史

天聖幸國子監

閱三禮圖

天聖二年八月己卯

二十四日

幸國子監謁文宣王召從

臣升講堂令直講馬龜符說論語一篇賜三品服已

而觀七十二賢讚述闕東序三禮圖因問侍講馮元

三代制度元引經以對又幸武成王廟還幸繼照堂

宴從臣

賜龜符金紫

慶曆幸國子監

慶曆四年五月壬申

十一日

幸國子監謁文宣王有司

言舊儀止肅揖而上再拜之

賜直講孫復五品服

又幸武成王

廟又幸玉津園觀稻燕從臣射於園中上中的者凡

五年正月己巳詔擇地建學

元祐幸大學 榮觀集

元祐六年十月十五日庚午朝獻景靈宮退幸國子
監詣文宣王殿行釋奠禮一獻再拜幸大學御崇化
堂召宰臣執政官親王賜坐監官侍立學生坐東西
廡侍講吳安詩執經祭酒豐稷講無逸終篇國子監
進書籍凡七十部軸上命留論語孟子各一部遂幸
武成王廟肅揖酌獻賜稷三品服學官賜帛先是八
月戊子朔學士范百祿請視學故有是舉

書目有元

祐幸大學儀一卷

書目元祐六年十月庚午釋奠

大學禮成學正汪洙記視學始末及以詩章賦頌奏

記類為榮觀集五卷 宣和中幸太學學諭莫若紀
奉安宣聖訖于臨幸三十四條為崇聖恢儒集三
卷

崇寧幸太學辟雍

崇寧三年十一月四日甲戌幸太學辟雍

先是十月六日定儀

注書手詔賜司業吳綱等

學官遷秩賜章服兩學授官免舉賜帛

宣和

四年三月辛酉幸太學命祭酒韋壽隆講書無逸司
業權邦彥講詩下武學官遷秩賜詔并御製宣聖贊

幸精微造

士二齋

紹興幸太學

紹興十四年二月戊子司業高闕等上表請車駕幸

大學七月詔宣王復古采芑著詠於新田世祖緯文

建武肇興於大學

云云

將款謁於先聖仍備舉於舊

章三月十八日

已巳

車駕幸太學祇謁先聖御崇化

堂命禮部侍郎秦熈執經高闕講秦卦賜三品服遂

幸養正持志二齋上覽太祖真宗徽宗所製贊文命

有司悉取從祀諸贊併錄以進遂盼手詔賜諸生乙

亥上製文宣王贊其後又製七十二子贊並刊石太

學

一本云出文宣三贊刻石賜學官

上曰唐明皇作贊斤先聖先師

之名非尊儒重道之意闕曰尤見聖學高出前代之

上二十六年十二月二十一日臣僚請以御製贄石
本賜諸郡學校從之

淳熙幸太學

詔 講中庸九經

淳熙四年二月五日乙亥幸太學幸崇化堂命禮部

侍郎李燾執經祭酒林光朝講中庸九經一段

光朝釋行

之者一謂一乃中庸上日深得聖人之旨先儒未及次幸武學詔曰

詔詞周必大所草

昔我藝祖開基之月首幸國學越二月又幸旣宏先
師之宇復審象而爲贄木原治道厥有深旨太上中
興開設學校乘輿臨幸儒術益光肆朕續圖儲精稽
古爰以仲春謁款將聖躬釋菜之禮闡中庸之義洙

泗遺風儼然在目朕甚嘉之夫孝於事親忠於事君
學之本也業精于勤行成于思學之序也子大夫其
念哉當爲君子之儒母慕人爵之得初降詔上諭執
政曰朕得兩句

云云

執政奏大哉王言及幸學復諭

曰多士濟濟可嘉四方聞之亦須興起亦幸武學文
武並用弛張之術也復賜錢二萬緡修葺五月二十
四日詔重塑文宣武成王并從祀十二位舊像權遷
於首善閣下上調塑像多俗王淮等奏以禁中善本
宣布學官俾之重塑依政和新儀制度六月十三日
以幸學詔書頒行諸路十九日光朝請刻訓辭于宛

三才卷一百三十一
三十一
琬以風動四方從之

嘉泰幸太學

嘉泰三年正月二十八日幸太學祭酒李寅仲講尚書周官篇禮侍林采執經詔有勉忠孝篤行義之訓
淳祐視太學

淳祐元年正月戊申十日臨視太學祭酒曹感講大學吏部侍郎杜範執經御製聖賢十三贊宣示諸生
釐正從祀隋五賢黜安石詔有明義理修文行涵養忠厚砥礪廉隅之訓

咸淳三年正月二十日幸太學講中庸首章二句

親屈車駕臨幸太學崇儒術也制定六經罷黜百家
揚正道也奮辭摘藻昭回雲漢明聖作也祕殿之下
錦几之上論經居前勸誦在後道問學也

釋奠

釋奠釋菜祭之畧者也古之入學者釋菜禮其先
師其學官四時之祭乃皆釋奠釋奠有樂無尸後
世不徧舉於四時獨春秋行事而已記曰釋奠必
有合樂國有故則否謂凡有國各自祭其先聖先
師其國之無者必合鄰國而祭之自孔子沒後之

學者莫不宗焉天下皆宗爲先聖隋唐天下州縣皆立學而釋奠之禮遂以著令

周入學舍采釋奠

春官大胥春入學舍采合舞注始入學必釋菜禮先

師也萊蘋蘩之屬

鄭氏謂入學釋菜蘋蘩藻之屬始立

之禮猶摯也婦人摯

東栗服修若廟見則

禮書曰釋菜

釋菜弟子之摯東修若禮于先師則釋菜

占夢

乃舍萌于四方注舍萌猶釋菜也古書釋菜釋奠多

作舍字萌萊始生也

王制天子受命於祖受成於

學出征執有罪反釋奠于學以訊馘告注釋菜奠幣

禮先師也詩曰在廟獻馘疏大胥云舍萊文王世子

亦云釋菜注云釋菜禮輕也唯釋蘋藻而已無牲
幣帛文王世子又云始立學者既典器用幣注云
幣告先聖先師以器成則徒用幣而無菜亦無牲牢
也又云凡始立學者必釋奠於先聖先師及行事必
以幣是釋奠有牲牢幣帛無用菜之文今注不云祭
先師未必有牲牢周禮不云獻愷於學 月令仲

春上丁命樂正習舞釋菜注將舞必釋菜於先師以
禮之夏小正曰丁亥萬用入學天子乃帥三公九卿

諸侯大夫親往視之 文王世子凡學春官釋奠于

其先師秋冬亦如之 注官謂禮樂詩書之官 不言

夏從春可知也 周禮日凡有

道德者使教焉祭於瞽宗此謂先師之類也若漢禮

有高堂生樂有制氏詩有毛公書有伏生億可以為

之也釋奠者設薦饌酌奠而已無迎尸以下事凡始立學者必釋奠于先聖

先師及行事必以幣注謂天子命之教始立學官者也先聖周公若孔子通典云

周凡釋奠者必有合也有國故則否注國無先聖先師則所釋奠者

當與鄰國合也若唐虞有夔伯夷周有周公魯有孔子則各自奠之不合也劉敞曰合合樂也樂書

日合舞與聲始立學者既興器用幣然後釋菜不舞不授

器注釋菜禮輕也釋奠則舞舞則投器司馬之屬司兵司戈司盾祭祀授舞者兵也釋菜于虞庠

天子視學乃命有司行事興秩節祭先師先聖焉注使

有司攝其事舉常禮不注親適東序釋奠於先老注親者已所疏釋奠無尸者主於行禮非報功也立學為

重故及先聖常奠爲輕故惟祭先師四時釋奠不及
先聖學記云皮弁祭菜鄭注禮先聖先師彼云未卜
禘不視學則祭菜與視學爲一也凡釋奠有六始立
學一也四時有四通前五也王制師還六也釋菜有
三春入學釋菜合舞一也釁噐釋菜二也學記皮弁
祭菜三也秋頒學合聲無釋菜之文釋幣唯一即此
釁噐用幣是也

三禮義宗四時入學不及
先聖天子視學乃祭先聖

祭義祀

先賢於西學注周之小學䟽祭先賢所通之經各於
所習之學若瞽宗則在國虞庠爲小學則在西郊

學之釋奠有常時者春釋奠先師秋冬亦如之是也

有非時者始立學天子視學出征執有罪及以訊馘
吉必釋奠焉是也釋奠或施於山川廟社大視大會
同造廟宜社過大山川則用事反則舍奠甸祝舍奠
于祖廟禰亦如之是也或施於學大司樂祭樂祖於
瞽宗文王世子釋奠先聖先師適東序釋奠於先老
王制出征執有罪反釋奠以訊馘告是也或曰四代
之學以舜禹湯文王爲先聖當時左右四聖成其德
業者爲先師配饗釋奠之禮有牲幣有合樂有獻

酬

漢孔子廟

見群祀類

郡國志魯國注鍾離意爲魯相見仲尼廟頽毀會諸

生廟中慨然曰蔽芾甘棠勿剪勿伐況聖人廟乎遂

躬留治之意別傳日出私錢萬三千付戶曹孔新修夫子車入廟拭几席劍履張伯除草堂下

土中得玉璧七枚伯以六枚白意堂下有甕許有丹書意發之中有素書文曰修吾書董仲舒護吾車拭

吾履發吾筭鍾離意璧有七張伯藏其一 豐相之圃在城中西南近孔子

廟而仲尼墓在魯城門北便之外泗水上去城一里

葬地蓋一項墓墳南北十步東西十三步高一丈二

尺蓋前有甔甔爲祠壇方六丈與地平塋中異木以

百數魯人莫能識也 禮儀志永平二年三月郡縣

學校祀聖師周公孔子北史劉芳傳周公廟別在洛陽緣創成洛邑 漢初平五

庚熙二十六年刊 卷一百三 古

年九月益州太守高
殷修周公禮殿記

魏志霍林傳魯相上言漢舊

立孔子廟褒成侯歲時奉祠辟雍行禮必祭先師王
家出穀春秋祭祀

魏文黃初二年正月以議郎孔羨爲宗聖侯奉孔子
祀令魯郡修起舊廟有碑 晉武泰始三年十一月
改封孔震奉聖亭侯又詔太學及魯國四時備三牲
祀孔子 梁天監四年六月庚戌初立孔子廟

元魏太和十三年七月立孔子廟于京師十六年一
月丁未改謚宣尼曰文聖尼父十九年四月庚申如
魯城親祠孔子辛酉封崇聖侯奉孔子祀命兗州修

孔子墓更建碑銘 唐貞觀三年停以周公爲先聖
始立孔子廟堂於國學舊式舊典以仲尼爲先聖顏
子爲先師俎豆于戚之容始備 政要 太極元年正
月修宣父祠廟

魯哀公十七年立孔子廟于故宅閭千餘載未嘗出
闕里漢儒所謂立學釋奠未知先聖先師爲誰自戴
記之外無聞迨魏齊王晉武帝釋奠于學雖昉見簡
冊而未有原廟也唐武德二年廟周孔子冑監貞觀
定孔子爲先聖而黜周公牲牢器幣目增月益

古者惟功臣與祭大烝未聞弟子從祀于師也自建

武祠七十二子于孔廟然亦不出闕里也正觀未加
以左十諸儒從祀太學而武成王之祠亦倣而爲之
總章開元以來又加諸儒以三等之爵而州縣學官
咸有從祀矣 先師釋者曰若高堂生制氏毛公伏
生釋奠必有合釋者曰若魯之有周公孔子至如祀
先賢於西學祭樂祖於瞽宗傳者亦謂各於所習之
學祭先師夫周公孔子非周魯之所得專也經各立
師周典豈有是哉所謂各祭其先師疑秦漢以來始
有之

漢祠七十二弟子 孔子弟子籍

章紀元和二年二月東巡狩三月進幸魯祠孔子及
七十二弟子 孔僖傳元和二年春帝還過魯幸闕
里以太牢祠孔子及七十二人作六代樂大會孔氏
男子二十以上者六十三人命儒者講論帝曰今日
之會卿宗有光榮乎對曰陛下親屈萬乘辱臨敝里
此乃崇禮先師增輝聖德至於光榮非所敢承

史記列傳孔子曰受業身通者七十七人皆異能之
士也 顏回 闕損 冉耕 冉雍 冉求 仲由

宰予 端木賜 言偃 卜商 顓孫師 曾參 澹臺

滅明 宓不齊 原憲 公冶長 南宮括 公皙哀

會葳

顏無繇

商瞿

高柴

漆彫開

公伯寮

司馬耕

樊須

有若

公西赤

巫馬施

梁

鱣

顏幸

字子柳
唐志曰柳

冉孺

曹卹

伯虔

公孫

龍

字子石

自子石已右三十五人頗有年名及受業

聞見于書傳其四十有二人無年及不見書傳者紀

于左

冉季

產

公祖句茲

字子之

秦祖

字子南

漆

雕哆

顏高

字子驛

漆雕徒父

壤駟赤

商澤

石作蜀

任不齊

公良孺

后處

秦冉

公夏

首

奚容蒧

公肩

一作堅

定

顏祖

字襄

鄒單

句

井疆

罕父黑

秦商

申黨

顏之僕

柴旂

縣成

左人郢

燕伋

鄭國

字子徒

秦非

字子之

施之常

顏增

步叔乘

原亢籍

樂欬

廉潔

顏何

叔仲會

狄黑

却異

孔忠

公西輿

公西箴

顏高公良孺

秦商叔仲會家語有事述史記不載公伯寮秦冉鄒單二人家

語不載別有琴牢陳亢縣豐

大史公曰學者多稱七十子之徒

譽過實毀失真鈞之未覩厥容貌則論言弟子籍出

孔氏古文近是余以弟子名姓文字悉取論語弟子

問并次爲篇疑者缺焉唐禮樂志開元二十七年

八月二京國子監天下州縣夫子始皆南向以顏

淵配贈諸弟子爵公侯子淵充公子寯費侯伯牛鄆

仲弓薛子有徐子路衛子我齊子貢黎子游吳子夏
衛又贈曾參以降六十七人參成伯顓孫師陳澹臺
滅明江宓子賤單原憲原公冶長苜南宮适邾公哲
哀耶曾黠宿顏路杞商瞿蒙高柴共漆彫開滕公伯
寮任司馬牛向樊遲樊伯有若卞公西赤郤巫馬期
鄆梁鱣梁顏柳蕭冉孺郤曹卹曹一作豐伯處鄒公孫
龍黃冉季產東平秦子南少梁漆彫歛武城顏子驕
琅邪漆彫徒父須句壤駟赤北微商澤睢陽石作蜀
邱邑任不齊任城公夏首亢父公良孺東牟后處管
丘秦開彭衙奚容箴下邳公肩定新田顏襄臨沂新

一作單銅鞮句并疆淇陽罕父黑乘丘秦商上洛申

黨名陵公祖子之期思榮子旗一作雩婁縣成鉅野

左人郢臨淄燕伋漁陽鄭子徒榮陽秦非汧陽施常

乘氏顏噲朱虛步叔乘淳于顏之僕東武原亢籍萊

蕪樂效昌平廉潔莒父顏何開陽叔仲會瑕丘狄黑

臨濟却巽平陸孔忠汶陽公西輿重丘公西箴祝阿

於是二京之祭牲太牢樂官垂舞六佾矣高宗所製七十二子

贊云史記公夏孺公夏首公肩定顏祖鄒單句并疆

年父黑申黨原亢顏何公西輿如十一人增申振遠

伯玉陳亢林放琴牢申堂續六人遂爲七十二人

六人文翁學堂圖斷記後人以所見增益闕元入

年畫七十子于廟壁顏回至公西箴

持孔

漢志

子弟子詔天寶二載于二月呂岩說撰記

孔子徒人圖法二卷 隋志孔子弟子目錄一卷

玄撰 唐志蜀文翁學堂圖一卷

魏釋奠辟雍

宋志齊王正始二年初通論語使太常以太牢祭孔子於辟雍以顏淵配五年五月癸巳講尚書通七年

十二月通禮記

並同 志云以太牢釋奠辟雍弗躬親

晉釋奠大學

須

皇太子釋奠

志禮始入學必先釋奠于先師及行事必用幣漢世雖立學斯禮無聞武帝泰始七年皇太子講孝經通咸寧三年講詩通太康二年講禮記通惠帝元康三

年皇太子講論語通元帝大興二年

宋書志三年

皇太子

講論語通

紀太興三年八月辛未皇太子釋奠于太學

太子並親釋奠以

太牢祠孔子以顏回配成帝咸康元年講詩通二月

甲子親釋奠穆帝升平元年三月帝講孝經通壬申

親釋奠於中堂孝武寧康三年十二月癸巳帝講孝

經通釋奠如故事穆帝

升平元年

孝武時並權以中

堂爲太學

二學生百二十人事訖罷禮畢會百官六

品以上

裴頠傳皇太子既講釋奠祀孔子飲饗射

侯甚有儀序

潘尼傳爲太子舍人上釋奠頌序曰

元康元年十二月上以太子富於春秋而人道之始

莫先於孝悌。初命講孝經于崇政殿。實應天縱生知
之量。微言奧旨。發自聖問。業終而體達。至三年春閏
月。將有事于上庠。釋奠于先師。禮也。越二十四日丙
申。侍祠者既齊。典駕次于太學。太傅在前。少傅在後。
恂恂乎弘保訓之道。宮臣畢從。三率備衛。濟濟乎盡
翼贊之敬。乃掃壇爲殿。張幕爲宮。夫子位于西序。顏
回侍于北墉。示伯掌禮。司儀辨位。二學儒官。縉紳先
生之徒。垂纓佩土。陪於堂下。設尊篚于兩楹之間。陳
壘洗於阼階之左。几筵既布。鍾縣既設。我后乃躬拜
俯之勤。資在三之義。謙光之美。彌劭闕里之教。克崇

牲饋之事既終。享獻之禮已畢。釋玄衣。御春服。弛齊禁。反故式。天子乃命內外群司。百辟卿士。蕃王三事。咸來觀禮。我后既延。而與之燕。金石簫管之聲。八佾六代之舞。可以移風易俗者。罔不畢奏。是日也。人無智愚。路無遠近。不期而俱萃。希道慕義。洗心革志。想沫泗之風。不言之化。洋溢乎九有之內。固皇代之壯觀。萬載之一會也。頌曰。篤生上嗣。繼期挺秀。聖敬日躋。濬哲閔茂。留精儒術。尊悅古訓。遵道遜齒。降心下問。鋪以金聲。光以玉潤。乃延自保。乃命學官。聖容穆穆。侍講閭閻。抽演微言。啓發道真。探幽窮曠。溫故知

新崇聖重師。十日告奠。旣戒乃式。乃盥乃薦。恂恂孔
聖。百王攸希。疊疊顏生。好學無違。曰皇儲后。體神合
幾。蟬冕耀庭。紳佩振階。德以謙光。仁以恩懷。我酒惟
清。我有惟馨。舞以六代。歌以九成。莘莘胄子。祁祁學
生。洗心自白。觀國之榮。學猶時苗。化若偃草。博我以
文。弘我以道。又詩曰。尊師重道。釋奠崇祀。德成教倫。流云不社。傳咸頌以

能而問。處實若虛。爰雕聖章。王采是敷。乃備嘉薦。于
國之雍。敬享先師。以疇聖功。疊疊皇儲。希心闕里。濟
濟儒生。莘莘胄子。清酒于觴。匪宴斯喜。欣道之弘。自
今以始。摯虞頌曰。講業旣終。禮師釋奠。升觴折俎。

上下修焉

通典首武太始七年

元康三年

奠皆於太學太始六年元康五年二行鄉事

於辟雍太子講經竟並親釋奠於太學東晉明帝之

爲太子亦行釋奠禮成穆孝武三帝皆親釋奠唯成

帝在辟雍

考武依穆帝升平元年於中堂僦立行太

學宋元嘉二十二年

志云四月

太子釋奠採晉故事裴松

之議應舞六佾宜設軒縣之樂牲牢器用悉依上公

祭畢親臨學宴會

志云皇太子講孝經通釋奠國子學如晉故事

晉溫嶠

頌敷論義與綜析毫芒管簫備舉和樂載揚宋顏

延之詩

宋畧元嘉二十二年二月皇太子釋奠國學

虞庠飾館膚圖炳晬伊

昔周儲聿光往記思皇世哲體元作嗣尚席函丈丞
疑奉袞侍言稱辭信史秉筆禮屬觀盥樂薦歌笙昭
事是肅俎實非馨獻終襲吉即宮廣讌倫周伍漢超
哉邈倚何承天頌經脩講洽研幾識理貴道崇業
降尊尚齒願言西雍延想沂洙王僧達詩時泰道

暢禮備樂脩啓庠選俊博教深求異人鱗萃淑美雲

享尊訓浹嘉敬載柔袁曜詩南庠貴齒東學尚

親犀躬下閭降禮師臣圓冠濟濟方領恂恂肄業旣

終舍奠爰始韶管迺奏笙鏞間起茨夏悒悒晬容塵

塵輿服志元帝大興三年皇太子釋奠制曰未有

高車可乘安車

齊皇太子釋奠

梁陳

南齊禮志

永明三年正月詔立學創立堂宇置生二

百人其年秋中悉集有司奏宋元嘉舊事學生到先
釋奠先聖先師禮又有釋菜未詳今當行何禮用何
樂及禮器尚書令王儉議周禮春入學舍菜舍舞記
云始教皮弁祭菜示敬道也又云始入學必祭先聖
先師中朝以來釋菜禮廢今之所行釋奠而已金石
俎豆皆無明文陸納車胤謂宣尼廟宜依亭侯之爵
范甯欲依周公之廟用王者儀范宣謂當其爲師則

不臣之釋奠日備帝王禮樂車陸失於過輕二范傷
於大重引同上公即事惟允元嘉立學裴松之議應
舞六佾以郊樂未具權奏登歌今金石已備宜設軒
縣之樂六佾之舞牲牢器用悉依上公其冬十月皇

太子講孝經親臨釋奠車駕幸

聽永明五年冬太子臨國學策試諸生

竟陵王子良詩四連合旨八

盤舒芬

王儉詩金

鎔乃器水術伊瀾禮邁仁周樂超英漢神保爰格祝

史斯贊降冕上庠升宴東序時彥莘莘國冑楚楚

沈約詩復禮曲臺反樂宣榭事尚東序義邁雲臺我

我德傳灼灼英台迴鑿獻爵攬金委吳洋洋聖範楚

楚儒衣

唐志齊釋奠會詩集二十卷

通典梁天

監八年九月皇太子釋奠周捨議請依東宮元會太子著絳紗襪樂用軒縣合升殿坐者皆服朱衣徐勉議釋奠及宴會太子升堂並宜由東階大同七年皇太子表其子寧國臨城公入學臣續等以爲參點回路並事宣父洙汝無譏制可

大同七年皇太子釋奠國學府樂府無孔頴登

歌詞令杜之禕製文

任昉詩告奠明祀觀道聖門日月不息

師表常尊

武帝親釋奠

梁元帝皇太子講學碑業

冠孟侯道高上嗣轉金輅而下辟雍肆玉容而經槐市將使東極長男之官不獨銘於銀榜南皮太子之

之序徒植於金碑 陳書太建二年八月辛丑皇太子

釋奠 徐伯陽頌穆穆皇儲峩峩副主道尊七曾德

崇監撫春誦夏弦冬書秋羽漢名趨幄周朝問賢荆
集禮闈逍遙義府儲駕戾止和鸞有聲弘風講肆崇
儒肅成丹書貴道黃金賤蠹沫泗興業闕里增榮

江總皇太子太學講碑

北史魏明帝行講學之禮於國子寺司徒崔光執經

當發等錄義又行釋奠禮 一本云正光三年釋奠國

詔百官作釋奠詩以裝作為美 李諧詩帝曰師氏陳

言嘉 夏 通典北齊太子每通一經及新立學必釋奠

每歲春秋二仲常行其禮 文苑英華大學觀春宮
齒胄賦宗伯歲事司成奉職儲駕辰止虞庠肅清傾
章甫之列駐和鸞之聲遜其齒也長幼之節著明其
親也父子之道成示其尊也君臣之義行三善皆得
萬邦以正揖遜於詩書之府雍容於禮義之門敬其
學而德至親其師而道尊

隋釋奠

通典北齊每月朔制祭滬領博士以下及國子諸學
生以上大學四門博士升堂助教以下太學諸生階
下拜孔揖顏日出行事隋制國子寺每歲四仲月上

釋奠

一行鄉飲酒禮州縣學以春秋仲月釋奠

州縣

唐初以儒官自爲祭

主許敬宗奏魏氏則太常行事晉宋以降時有親行請令祭酒爲初獻祝稱皇帝謹遣司業亞博士終獻元善傳開皇初遷祭酒上親臨釋奠命講孝經

唐孔子廟

祠孔子

釋奠國學

七十七子圖

二十一賢圖

禮志武德二年始詔國子學立周公孔子廟

紀武德二年六月

月戊戌立周公孔子廟于國子監會要六月一日

七年

二月丁巳

高祖釋奠

以周公爲先聖孔子配九年

一云貞觀十年

封孔子之後

德

禘爲褒聖侯貞觀二年

十二月

因左僕射房玄齡

士朱子奢言周公尼父俱聖人然釋奠於學以夫子也
大業以前孔丘爲先聖顏回爲先師乃罷周公升
孔子爲先聖顏回配四年詔州縣學皆作孔子廟十
一年會要七月二十四日丙午詔尊孔子爲宣父作廟於兗州給
戶二十以奉之十四年二月丁丑太宗觀釋奠于國

子學詔祭酒孔穎達講孝經二十一年二月十五日

壬申詔左丘明卜子夏公羊高穀梁赤伏勝高堂生

戴聖毛萇孔安國劉向鄭衆賈逵杜子春馬融盧植

鄭康成服虔何休王肅王弼杜預范甯二十二入皆

配享永徽中復以廟公爲先聖孔子爲先師顯慶二

唐紀二十六

年七月十一日 太尉長孫無忌等言云云乃以周公

配武王而孔子爲先聖

紀乾封元年正月辛卯幸曲阜祠孔子贈太師會要乾

封元年正月十三日追贈孔子爲太師總章元年二

月一日

顏回贈太子少師曾參太子少保太極元年

二月十六日

加贈顏回太子太師曾參太子太保開

元八年三月十八日 司業李元瓘奏先聖廟爲十哲

像以先師顏子配則配象當坐今乃立餘弟子列像

廟堂不與享而范甯等皆從祀請釋奠十哲享於止

而圖七十三子於壁曾參以孝受經於夫子請享之

如二十二賢乃詔十哲爲坐像悉預祀曾參特爲之

像坐亞之圖七十弟子及二十二賢於廟壁

會要上以顏子

亞聖親爲製贊書于石令文士分爲贊題其壁

開

元二十六年詔濟貢見訖謁先師

二十八年二月五日赦春秋釋奠

以三公行禮 二十七年 八月二十四日甲申

謚夫

子爲文宣王夫子始南面以顏淵配贈諸弟子爵公

侯伯子淵充公騫等九人皆侯又贈曾參以降六十

七人爵皆伯

天寶二年十月封文宣公

於是二京之祭牲太牢

樂官縣舞八佾矣

二十八年詔釋奠令攝三公行禮代宗時歸崇敬議春秋釋奠孔

子祝版皇帝書北面揖以爲大重宜准武王受丹書於師尚父行東西之禮事皆施行

永泰二年二

月丁亥朔釋奠于國學八月丁亥復用牲牢

大中

五年十一月日國子祭酒馮審奏孔子廟堂碑是太宗建立睿宗書額備藉唐德具費鴻猷文翰顯然金石斯在武后時於篆額中間謬刻大周兩字恐移誤將

來請琢去兩字敕所請刊
石此文頗協事體宜依

儒學傳貞觀二十一年

五五二十四

詔左丘明卜子夏公羊高穀梁赤伏勝高堂生戴聖
毛萇孔安國劉向鄭眾杜子春馬融盧植鄭玄服虔
何休王肅王弼杜預范甯二十一人用其書行其道
宜有以褒大之自今並配享孔子廟廷於是唐三百
年之盛稱貞觀寧不其然
通鑑先是祀先聖先師
周公南向孔子東向坐開元二十七年八月甲申制
自今孔子南向坐
詳見圖類
倪若水傳開元初爲

汴州刺史增修孔子廟興州縣學廬勸生徒

漢永平二年三月始詔郡縣道行鄉飲于學校紀

孔則先聖之祠有出闕里者然未作廟至唐武德二
年胄監始立孔廟貞觀四年州縣始皆立孔廟

唐釋奠

齒胄

貞觀皇太子釋奠

釋奠頌

紀高祖武德二年六月戊戌始詔國子學立周公孔
子廟七年二月丁巳釋奠于國學 太宗貞觀十四

年二月丁丑觀釋奠于國子學賜學官高第生帛二

十一年二月丁丑命皇太子釋奠于太學

志皇太子
釋奠自爲

初獻祭酒張後胤亞獻攝司業趙弘智終獻畢賜諸
學官胄子帛 右庶子許敬宗上四言詩美之

高宗總章元年二月丁巳皇太子

弘釋奠于國學弘

賜顏回太子少師會
參太子少保制可
開曜元年二月丙午皇太子釋

奠于國學會要永隆二年二月
皇太子親行釋奠禮
睿宗景雲二年八

月丁巳皇太子釋奠于國學先天元年二月丁巳皇

太子釋奠于國學會要大極元年二月二十八日太
子親釋奠開講筵褚無量執經

玄宗開元七年十一月乙亥皇太子入學齒胄賜陪

位官及學生帛開元七年皇太子齒胄于學謁先聖
詔宋璟亞獻蘇頌終獻及臨享天子

恩齒胄之義乃詔二獻皆用胄子祀先聖如釋奠右

散騎常侍褚无量講孝經文王世子篇羣臣學官詣

生以差賜帛太子瑛傳云七年
詔太子諸王入國學行齒胄禮
傳徐文遠爲國

子博士高祖幸國學觀釋奠文遠發春秋題論難鋒

生隨方占對莫能屈帝異之
孔穎達太宗幸太學

觀釋奠命穎達講孝經畢上釋奠頌有詔褒美

楊

烱永隆二年皇太子已釋奠袁豪俊充崇文館學士

薛元超薦烱及鄭祖元鄧元挺崔融褚无量玄宗

爲太子无量侍讀太子釋奠國學

太極元年太子親釋奠

令講

經問孝經禮記題

建端立義博敏而辨進銀青光祿大夫賜

子蕃渥

賜物百段并紫袍金帶

開元七年太子齒胄于學詔无

量升座講勸百官觀禮厚賞賜

儒學傳貞觀六年

詔罷周公祠更以孔子爲先聖顏子爲先師盡名天

下淳師老德以爲學官數臨華觀釋奠命祭酒博士

講論經義賜以束幣生能通六經者得爲吏先是高

祖始受命鉏耨東荒天下略定歸詔有司立周公孔

子廟于國學四時祠奉其後議加爵土至是罷周公

祠 新羅傳貞觀二十二年十一月云新羅王真德遣

子文王及弟伊贇子春秋來朝因請改章服從中國

制又詣國學觀釋奠講論 會要貞元二年二月丁

卯釋奠 一本云有同釋奠文宣王廟宰臣以下畢集學官講五經

大義及先聖之道

唐武成王廟 古今名將圖

禮志貞觀以大公兵家者流詔礪溪立太公廟開元

十九年 四月丙申十八日一本兩京及天下始置太

壬辰

通鑑三月丙申

公尚父廟一所以留侯張良配中春中秋上戊祭之
牲樂之制如文宣出師命將發日引辭于廟以諸州
貢貢武舉人准進士行鄉飲酒禮仍以古名將十人
爲十哲以配享天寶六載正月詔諸州武舉人上省
先謁太公廟乾元元年九月二十二日太常少卿于

休烈奏秋享漢祖廟旁無侍臣而太公乃以張良配
子房生漢初佐高祖定天下時不與太公接古配食
廟廷皆其佐命太公人臣也謂無配享請以張良配
高祖廟上元元年閏四月十九日巳卯尊太公爲武

成王祭典與文宣王比以歷代良將爲十哲像坐侍

白起韓信諸葛亮李靖李勣列於左張良田穰苴孫
武吳起樂毅列於右以良配後罷中祀遂不祭建中

三年

閏正月二十五日

禮儀使顏真卿治武成王廟

請如月令春秋釋奠其追封王宜用諸侯之數樂用

軒縣

一本云三年閏正月戊戌令百僚謁武成王廟
書又云中春中伏釋奠于文宣王武成王皆

以上丁戌國學以祭酒
司業博士三獻樂軒縣詔史館考定可配享者七月

日奏奉五月十五日勅列古今名將凡六十四人圖形焉范蠡

孫臏廉頗王翦曹參周勃李廣霍去病鄧禹賈復寇

恂馬援皇甫嵩張遼關羽周瑜陸遜羊祜王濬謝玄

慕容恪檀道濟王僧辯慕容紹宗宇文憲韓擒虎史

萬歲尉遲敬德蘇定方張仁亶王峻王孝傑

列於左

管仲田單趙奢李牧彭越周亞夫衛青趙充國吳漢
馮異耿弇段熲鄧艾張飛呂蒙陸抗杜預陶侃王猛
長孫嵩王鎮惡吳明徹斛律光于謹韋孝寬楊素賀
若弼河間王孝恭裴行儉郭元振張齊丘郭子儀

列於右

貞元二年二月刑部尚書關播奏太公古稱大

賢下乃置亞聖義有未安而仲尼十哲皆當時弟子
今以異時名將列之弟子非類也請但用古今名將
配享去亞聖十哲之名自是惟享武成王及留侯而
諸將不復祭矣四年八月十三日兵部侍郎李紆言

開元中太公廟以張良配以太常卿三獻祝文曰皇

帝遣某敢昭告至上元元年閏四月贈太公以王爵祭

典同文宣有司遂以太尉獻祝版親署夫至尊禮於

臣佐神何敢歆且文宣王百世所宗太公述作止大

韜勲業著一代請祝辭不進署改昭告爲敬祭留侯

爲致祭獻官太常卿以下百官議之大理卿于頔多

請如紆言右司郎中嚴沆等議曰貞觀中以大公兵

家著流始令磻溪立廟開元漸著上戊釋奠禮其進

寵不薄矣上元之際執事者苟急於兵遂封主爵號

擬文宣彼於聖人非倫也謂宜去武成王號復爲太

公廟奠享之制如紆請刑部員外郎陸淳等

六議曰

武成殷臣也紆暴不諫而佐周使之與文宣偶非不
刊之典也宜罷上元建封立廟復磻溪祠有司以時
享斯得矣左領軍大將軍令狐建等四十一議曰兵革
未靖宜右武以起忠烈今特貶損非勸也且追王爵
以時祠爲武教主文武並宗典禮已久改之非也乃

詔以將軍爲獻官餘用紆奏

九月十日

自是以上將軍

大將軍爲三獻

會要用

藝文志盧鋌武成廟十哲

讚一卷

關播傳初上元中詔擇古名將十人配享

武成廟如十哲侑孔子播秦太公古賢臣今其下稱

亞聖孔子十哲皆當時弟子今所配年世不同請罷之詔可

朱梁改爲武明王廢從祀後唐復之宋朝太祖議武成廟配享所升人二十三人退出二十二人其間如陶侃李光弼且不得預

建隆孔子廟

修廟

謁廟

奠享

奠孔林

追謚

襲封

植圭

文宣王廟

建隆三年六月詔修飾祠宇及塑繪先聖先賢先儒之像立戟十六親撰文宣王兗公二贊從祀賢哲命當時文人爲之乾德四年七月以文宣王後進士宜

爲兗州曲阜縣主簿太平興國三年十月詔孔宜襲

封文宣公復其家

漢魏曰褒成晉宋奉聖後魏崇聖北齊恭聖隋曰紹聖唐曰褒聖

八年詔修曲阜廟至道三年九月戊寅真宗以其後
延世爲曲阜令襲封令賚所賜祭器九經書太宗御
書賜銀幣遺之廟有書樓而無典籍於是賜經書大
中祥符元年十月二十七日甲寅詔曰朕以紀號岱
宗觀風廣魯載懷先聖實主斯文將申款謁之儀用
表欽崇之志宜取十一月朔幸曲阜縣備禮射謁仍
付所司詳定所言車駕謁文宣廟內外設黃麾仗襲
文宣公伯叔兄弟並許陪位從之十一月一日戊午

幸曲阜縣謁文宣王廟廟內外設黃麾仗帝服韡袍

行酌獻之禮又幸叔梁紇堂命刑部尚書溫仲舒分

奠七十二弟子先儒暨叔梁紇顏氏初有司定儀肅

揖而已帝特展拜以表嚴師尊儒之意又親製贊示

從臣刻石廟中留親奠祭器于廟禮畢於殿西序名

見孔氏子孫撫諭問宣尼墳隴所在令子孫前至孔

林以林木擁道降輿乘馬至墓設奠再拜問東及南

二冢子孫對曰東伯魚南子思退坐北序與從臣閱

碑板詔追諡曰元聖文宣王春秋演孔圖孔子母夢

祝文進書名令擇日册命修飾祠廟祭器感黑帝而生故曰元聖

器以

未合典禮者改正之給十戶奉塋廟丁卯賜玉

廟九經書疏釋文三史及太宗御製御書百五十卷

又以經史賜兗州

是歲十一月戊午朔封周公文憲王建廟

曲阜親製

長吏春秋祭之二年二月壬辰詔就廟立

學舍三月二十五日庚辰詔文宣廟木主易以玉賜

植圭一五年十二月八日壬申改諡至聖景祐元年

以宗愿襲文宣公知縣事至和二年三月丙子封衍

聖公嘉祐六年三月乙酉上書兗州文宣王廟勝元

豐元年十月八日詔以係省錢修兗州祠元祐四年

四月二十六日文宣廟置教授一員宣和四年正月

二十九日御製文宣王贊

崇寧元年二月二十五日封孔聖沛水侯汲沂水侯

三年九月十七日詔辟雍文宣王殿名大成四年八月三日增文宣王冕十有二旒是年詔文宣王廟立戟二十四改用鎮圭政和元年四月四日詔十哲贊有犯先聖名改撰宣和四年三月幸太學孔端朝以先聖後賜上舍出身紹興十三年三月乙未詔廟門立戟二十四

真宗東封躬謁孔子祠問宰相孔氏孰為知名者

或言孔勉有治行即召對獻詩百韻頌上德以為知曲

阜縣孔道輔知仙源縣主祠事言廟制庠陋請加

修崇詔可

梁元帝為荊州起州學宣尼廟自圖宣尼像為贊而

書之後周廣順二年六月己酉幸曲阜謁孔子祠

幸孔林以孔仁玉爲曲阜令孔子墓側有石壇是
唐朝封禪回謁孔子之壇

建隆武成王廟

建隆三年九月十六日壬申詔於東京舊城南建武

成王廟與國學相對命左諫議大夫崔頌

一作判國子監崔頌

中使盧德岳董其役仍命頒檢閱唐末以來謀臣各

將勲績尤著者具名以聞

考試舉人權就武成王廟

四年四月六

日丁亥帝幸廟閱土木之功也歷觀兩廊下圖畫各


將指白起曰此人殺已降不武之甚何受享於此以

杖畫去之六月癸巳

十三日

知制誥高錫言配享七十

二賢王僧辨不克令終慮非全德望加裁定詔吏部尚書張昭工部尚書竇儀與錫詳定以聞昭等奏新入歷代功臣二十三人如灌嬰耿純王霸祭遵班超西晉王渾東晉周訪宋沈慶之後魏李崇傅永北齊段韶後周李弼唐秦叔寶張公謹唐休璟渾瑊裴度李光顏李愬鄭畋梁葛從固後唐周德威符存審舊配享功臣退二十二人魏吳起齊孫臏趙廉頗漢韓彭周亞夫段紀明魏鄧艾蜀關羽張飛晉杜元凱陶侃北齊慕容紹宗梁王僧辨陳吳明徹隋楊素賀若弼史萬歲唐李光弼王孝傑張齊丘郭元振詔曰其



成王廟熙寧元年三月六月十九日詔整葺推毀遺
內臣董之六年十月二十五日修廟詔禮官議先朝
功臣勲業可配祀者以聞後不果行元祐七年十月
十五日李廟政和三年十月二十日禮部請以南仲
召虎方叔吉甫尉繚配食宣和五年正月封管仲至
周喻為侯伯紹興二十九年二月二十四日臣僚証
前氏言李勣不可升堂上李晟不宜寘廊廡詔禮部
議四月十七日卒及詔李晟居堂上郭子儀之次李
勣在河間孝恭之下尉遲敬德之上乾道六年八月
二十六日太學正薛元鼎請以周之南仲侑食武成

王上喜以爲南仲之孫皇父猶爲中興之將便宜舉
行淳熙四年傅伯壽言唐開元間銓次太雜錢良
又請以建隆建炎名將參陪廟祀詔禮官給舍監官
討論後省集議七月十二日升李勣於堂上降李晟
於勣位次仍以曹彬從祀

建隆謁先師禮

建隆二年十二月二十日禮闈移牒奉常請令貢士
謁拜禮院按禮閣新儀無之開元二十六年詔諸州
貢舉人見訖就胄監謁先師官爲開講質問疑義昭
文崇文兩館生亦如之後諸郡貢舉人十一月一日

正衙見訖擇日謁先師爲常禮熙寧五年十二月六日國子監言舊制貢舉歲於十二月下旬集諸州所貢第一人謁奠先聖如春秋釋奠儀時多未至者請罷從之大觀元年十一月六日強淵明請貢士始入辟廡並以元日釋菜政和六年閏正月二日詔高麗受學者元日隨貢士釋菜

祥符封孔子弟子 二十一賢 贊 明道

七十二賢圖 政和孟子廟配享從祀

祥符二年五月乙卯朔詔追封孔子弟子七十二人顏回堯國公至卜商河東公會參瑕兵侯至琴張顛

丘侯詔曰四科鉅賢並超五等七十達者俱贈列侯

令中書門下及兩制館閣分撰贊

命王旦撰顏子贊

初帝覽

崇文院檢定七十二弟子案史記唐會要凡七十七人今曲阜廟唯七十二人帝曰何故不同王旦言國學七十二弟子經太祖定議曲阜準國學畫象七月戊寅詔封左丘明至范甯二十一人皆爲伯

贈王肅

司空杜預司徒

命群臣爲贊天禧五年六月十五日

國子監請以聖製文宣王贊及詔命洎近臣所撰十哲七十二賢贊鏤版流布從之明道元年八月戊午詔國子監重修七十二賢堂左丘明而下二十一人並

以本品衣冠圖之。元豐七年五月壬戌二十日封孟子
鄒國公。與顏子並配。而荀楊韓子並封伯爵。列于從
祀。八年二月九日命學士院撰鄒公及荀楊韓子贊
崇寧元年二月詔追封孔鯉孔伋爲侯。大觀二年二
月二十七日詔繪子思像從祀。四年九月十二日封
公夏首至廉潔十人爲侯。先是四月二十八日議禮
局言公夏首等史記有其名。唐開元禮亦載祀典。請
皆贈侯爵。與祭享從之。元豐以孟子爲鄒國公。配食
先聖。而鄒公廟在兗州鄒縣。政和五年春乃詔樂正
子克配享。公孫丑至子叔十七人從祀。加封爵焉。靖

康初降王安石于從祀紹興七年春胡安國上疏請
追爵二程張邵列于從祀不報淳熙三年冬趙粹中
請削去安石從祀四年七月癸酉但除王雱畫象而
已淳祐元年正月十五日始去安石而列周張二程
朱子于從祀端平二年正月二十日禮部尚書李璣
請以子思陞祀堂上列在十哲之間

紹興十年七月甲子復釋奠文宣王爲大祀用王普
請也祀前受誓戒加籩豆十二其禮如社稷十三年
三月八日司業高閎言文宣王兗鄒公十哲像繳案
討論五等章服請如太觀改賜之數二十三年九月

十一日王翰請重繪自國學始以其式鏤版頒諸郡
二十六年十二月二十一日戊午有司言陛下御製
贊灑宸翰刻琬琰望以賜諸郡學校從之乾道五年
八月重飾宣聖十哲及兩廡神像六年正月武成廟
亦裝繪

祥符釋奠祭器圖

詳見圖類

祥符二年正月八日甲子詔禮院定釋奠禮器攷州
縣三年二十四日甲戌判院孫奭言釋奠舊禮以祭
酒司業博士三獻新禮以三公近歲止命獻官二員
兼攝請備差大尉大常光祿卿三獻詔可六月九日

丙辰頒諸州釋奠儀祭器圖

景祐元年十一月辛亥詔文宣武成廟並用登歌之

樂 學士院撰樂章

元祐行釋奠禮

見視學類

乾道皇太子釋奠儀

祥符九年十一月職方外郎李邈表請壽春郡王行

釋奠之禮上曰年幼未可遽行 乾道八年正月丙

戌十七 宰輔請討論上丁釋奠皇太子入學之儀上

曰文王世子篇載此甚詳梁克家奏入學以齒則知

父子君臣長幼之道虞允丈素專備於禮經上日可
令有司討論以聞

乾道釋奠通祀圖

一卷乾道中張維取元符政和新舊儀各爲之圖
嘉定六年全州教授黃學行進歷代尊師本末二卷
載尊崇孔氏祭祀儀注配享從祀沿革升降之因

淳熙釋奠制度圖

紹興十年七月詔釋奠文宣王在京爲大祀州縣爲
中祀淳熙六年四月十八日知常德府李燾乞頒下
釋奠儀注及繪畫尊爵簋豆制度圖本頒下從之七

年二月十七日禮官言參照祥符間頒下州縣祭器
止有散尊與新儀不同乞除去兼政和之後配位從
祀神位升降及封爵不同慮州縣塑繪不一乞依國
子監大成殿并兩廡從祀位數爵號姓名并尊器制
度頒降從之 紹熙元年十月知漳州朱熹條上釋
奠禮儀數事太常條奏後不果行先是守南康日嘗
乞取政和新儀川
縣釋奠風雨雷師祭等鏤板頒下而其書自多抵
牾復以告則奠之省者至是復列上且移書禮官
書目有元豐放行諸州釋奠儀注一卷

玉海卷第一百十四

漢儀王應麟伯厚甫

選舉

科舉

取士科目自夏商以前不見於經其可見者至周始著自周後數千載其間廢置因革皆可考大抵自重而漸輕自緩而漸速

周三物 賢能書

天官宰夫書其能者與其良者以告於上注鄭司農

云若今舉孝廉賢良方正茂才異等

疏此謂宮中諸吏也

地

官大司徒以鄉三物教萬民賓興之一曰六德內蘊於

知仁聖義忠和二曰六行形於外孝友睦婣任恤三曰

六藝禮樂射御書數注物猶事也興猶舉也民三事

教成鄉大夫舉其賢者能者以飲酒之禮賓客之既

則獻其書於王鄉大夫三年則大比攷其德行道

藝而興賢者能者鄉老及鄉大夫帥其吏與其衆寡

以禮禮賓之注賢者有德行能者有道藝衆寡謂鄉

人之善者無多少也鄭司農云興賢者謂若今舉孝

廉興能者謂若今舉茂才賓敬也玄謂變舉言興者

謂合衆而尊寵之以鄉飲酒之禮禮而賓之疏吏謂

州長以下衆寡有謂鄉中有賢能者皆集在庠學鄉
飲酒堂上堂下皆有衆賓不言其數厥明鄉老及鄉
大夫群吏獻賢能之書于王王再拜受之登于天府
內史貳之疏賢能之書亦寶物故藏于天府內史副
寫一通文書擬授爵祿退而以鄉射之禮五物詢衆
庶此謂使民興賢出使長之使民興能入使治之法
使民自舉賢者因出之而使之長民教以德行道藝
於外使民自舉能者因入之而使之治民之貢賦田
役之事於內 州長正月之吉屬民讀法以攷其德
行道藝而勸之三年大比則大攷州里以贊鄉大夫

廢興 黨正正歲屬民讀法而書其德行道藝 族

師月吉則屬民讀邦法書其孝弟睦姻有學者 閭

胥凡春秋 云云 聚衆庶既比則讀法書其敬敏任恤

者 遂大夫三歲大比則帥其吏而興甿明其有功

者注舉民賢者能者如六鄉之爲也又因舉吏治有

功者疏帥其吏者縣正至鄰長 司諫掌糾萬民之

德以時書其德行道藝辨其能而可任於國事者

夏官司士故士注故爲士者疏新升試士未得正爵

者爲新士不得留宿衛也 記學記比年入學中年

考校注周禮三歲大比乃考焉疏此中年考校非謂

禮也。皇氏以中年考校謂鄉遂學。一年視離經辨志。

以下皆謂國學非也。

王制疏。鄉人故三年一舉學。者故中年考試。殷周同也。

文王世子。凡語于郊者必取賢斂才焉。或以德進。或以事舉。或以言揚。注。語謂論說於郊學。人樂正論造士之秀者。升諸司馬曰進士。謂此矣。射義諸侯歲

獻士於天子。注。引舊說。大國三人。次國二人。小國一

人。鄉送一人至君所。

管子昭王穆王合羣宴比較

民之有道者。注。謂興賢者。

詩甫田。或耘或耔。黍稷

嶷嶷。攸介攸止。烝我髦士。

自國子而下爲士者

不出於鄉。遂夫家。管子所謂秀民之能爲士者也。

閏月書族時攷州歲比鄉二年賓興古者使民興鄉之賢能還以長治其鄉士自修於家民自爲鄉謀故毀譽公賢否明衆賓之席弗屬堂下之觀禮者弗坐無異辭也遂以耕爲主故其事畧鄉以教爲主故其事詳

周選士

王制命鄉論秀士升之司徒曰選士司徒論選士之秀者注秀士鄉大夫所考而升之學曰俊士升於司徒者不征於鄉升於學者不征於司徒曰造士樂正崇四術立四教順先王詩書禮樂以造士大樂正論造士之秀

者以告于王而升於司馬曰進士。司馬辨論官材論進士之賢者以告于王而定其論。論定然後官之任官然後爵之位定然後祿之。

司士注王制曰司馬辨論官材云云

漢志先王之制里有序而鄉有庠序以明教庠以行

禮而視化焉。八歲入小學學六甲五方書計之事始

知室家長幼之節十五歲入大學學先聖禮樂而知

朝廷君臣之禮。其有秀異者移鄉學于庠序。庠序之

異者移國學于少學。諸侯歲貢少學之異者於天子

學于太學。命曰造士。行同能偶則別之以射然後爵

命焉。**漢紀**武帝元朔元年十一月詔曰進賢受上

賞古之道也。有司奏議曰：古者諸侯貢士壹適，謂之

好德。再適，謂之賢賢。三適，謂之有功。注：臣瓚曰：尚書大傳云。

儀禮：古者五十而后爵。射義：古者天子之制諸侯

歲獻貢士於天子。天子試之射宮。注：歲獻，獻國事之書及計借物也。三

歲而貢士。舊說云：見上。古者天子以射選諸侯、卿、大夫、士。注：選

後考德行乃。詩：菁菁者莪，樂育材也。箋云：人君教

學國人，秀選俊造，進士養之，以漸至於官之。注：濟濟多

以寧。注：俾彼雲漢為章于天。周王壽考，遐不作人。

注：鷺飛戾大魚躍于淵，豈弟君子，遐不作人，肆成人

有德，小子有造。古之人無斃。注：壽考，髦斯上。萬壽王多吉七。

舜典：敷奏以言，明試以功。臯陶謨：翁受敷施，九德。

咸事俊又在官 益稷萬邦黎獻共惟帝臣惟帝時
舉敷納以言明庶以功車服以庸

殷周鄉塾貢士 齊三選

北史

劉景安曰殷周以鄉塾貢士

射義

古天子制

諸侯歲獻

獻國事之書及計借物也

貢士於天子

三歲而貢士舊說云見上

尚書大傳諸侯三年一貢士一適謂之好德再適謂

之賢賢三適謂之有功賜以車服弓矢再賜以秬鬯

三賜以虎賁號曰命諸侯 **後漢左雄傳**古者諸侯

歲貢士進賢受上賞非賢貶爵士升之司徒辨論其

材

齊語

正月之朝鄉長復事君親問焉曰於子之

鄉有居處好學慈孝於父母聰慧質仁發聞於鄉里者有則以告又曰有拳勇股肱之力秀出於衆者有則以告鄉長退而修德進賢公親見之遂使役官令官長期書伐選其官之賢者而用之公召與語嘗相其質退問其鄉以觀其所能升以爲上鄉之贊謂之

三選

謂鄉長所進官長所選公所嘗相也

漢舉賢良方正極諫 文學 親策賢良

三道

紀高祖十一年二月詔曰賢士大夫有肯從我游者吾能尊顯之其有意稱明德者必身勸爲之駕遣詣

相國府書行義年 文帝二年十一月癸卯晦日食

詔曰適見于天其悉思朕之過失以啓告朕及舉賢

良方正能直言極諫者以正朕之不逮十五年九月

詔諸侯王公卿郡守舉賢良能直言極諫者上親策

之傅納以言

晁錯傳詔有司舉賢良文學士錯在選中上親策詔之日惟十有五年九月壬

子皇帝日詔有司諸侯王三公九卿及主郡吏各帥其志以選賢良明於國家之大體通於人事之終始及能直言極諫者各有人數二三大夫之行當此三道大夫其上三道之要及永惟朕之不德吏之不平政之不宣民之不寧四者之關悉陳其志錯對日平陽侯臣宙等所選賢良太子家令臣錯云云對策者百餘人唯錯為高第遷中大

夫注三道國體人事直言也

武帝建元元年冬十

月詔丞相御史列侯中二千石二千石諸侯相舉賢

良方正直言極諫之士丞相綰奏所舉賢良或治申

商韓非蘇張之言亂國政請皆罷奏可

建元中上召賢良公卿言

鄧先

馮唐爲楚相武帝卽位求賢良唐時年九十

餘

嚴助郡舉賢良百餘人帝善助對擢中大夫

轅固

以賢良召公孫弘傳帝初卽位召賢良文學

士弘

年六十以賢良召爲博士帝舉賢良文學之

士前

後百數董仲舒以賢良對策制曰郡國諸侯公

選賢良

修黎博習之士欲聞大道之要至論之極復

策之曰

詳延特起之士令子大夫待詔百有餘人天

子復

冊之仲舒對策推明孔氏抑黜百家立學校之

官州

郡舉茂材孝廉皆自仲舒發之元光元年五月詔賢良曰賢良明

於古今王事之體受策察問咸以書對著之于篇於

是董仲舒公孫弘等出焉

公孫弘傳元光五年復召賢良文學菑川國復推上

弘弘謝國人固推弘至太常上策詔諸儒制曰云云
時對者百餘人太常奏弘第居下策奏擢爲第一

昭帝始元元年閏月遣王平等五人持節行郡國

舉賢良問民所疾苦五年六月詔令三輔太常舉賢

良各二人郡國文學高第各一人

魏相舉賢良對策高第爲茂陵令

王吉舉賢良爲昌邑中尉六年二月詔有司問郡國所舉賢良文

學民所疾苦議罷鹽鐵榷酤

始元中賢良唐生文學萬生之徒六十餘人咸

聚闕宣帝本始元年四月庚午地震詔內郡國舉文

學高第各一人

內史舉溫舒文學高第遷右扶風丞四年四月壬寅

地震詔

博問經學之士令三輔太常內郡國舉賢良方正各一人地

節三年三月令內郡國舉賢良方正可親民者十月

詔曰迺者九月壬申地震有能箴朕過夫及賢良方

正直言極諫之士以正不逮毋諱有司神爵四年四月令內郡舉賢良可親民者各一人 一元帝初元二

年三月詔曰二月戊午地震丞相御史中二千石舉

茂材異等直言極諫之士 初元中王尊舉直言遷號令 求光二年

三月壬戌朔日食詔令內郡國舉茂材異等賢良直

言之士各一人 朱雲舉方正爲槐里令光祿勳匡衡舉孔光方正爲諫大夫 成

帝建始二年二月詔三輔內郡舉賢良方正各一人

三年十二月戊申朔日食地震詔丞相御史將軍列

侯中二千石及內郡國舉賢良方正能直言極諫之

士詣公車 谷永傳建始三年冬太常劉慶忌舉永待詔公車對奏天子持召見其夏皆令詣方

正對策對者數十人永與杜欽爲上第杜欽傳合

陽侯梁放舉欽史丹舉班旂對策王音舉何武賢良方正對策河平四年三月癸丑朔日食舉淳厚

有行能直言之士鴻嘉二年三月詔舉淳厚有行義

能直言者元延元年七月詔以日食星隕公卿大夫

與內郡國舉方正能直言極諫者各一人北邊二十

二郡舉勇猛知兵法者各一人何武爲京兆尹坐舉

左遷紅陽侯立舉陳咸對策拜光祿大夫程方進

奏咸不當蒙方正舉並劾立選舉不以實太常舉

房鳳方正蕭由舉賢良爲定陶令鴻嘉中王嘉

舉淳朴能直言召見宣室對政事得失遷太中大夫
方平阿侯舉樓護永始三年正月己卯晦日食舉淳
樸遜順有行義者各一人譙玄請公車對策哀帝

建平元年二月舉孝弟淳厚能直言通政事可親民

者各一人

扶陽侯韋育舉杜鄴方正對策
賢良周護宋崇等對策

平帝元

始元年五月丁巳朔日食詔公卿舉淳厚直言

太鴻臚左

咸舉
屠剛忠賢良方正對策

後紀光武建武六年冬

十月丁丑日食勅公卿舉賢良方正各一人七年夏

四月壬午日食詔公卿司隸州牧舉賢良方正各一

人章帝建初元年三月甲寅地震已巳詔太傅三

公中二千石郡國守相舉賢良方正能極諫之士各

一人五年二月庚辰日食詔舉直言極諫能舉過失

者各一人

趙熹舉魯恭直言待詔公車
建初元年詔舉賢良方正大司舉劉寬舉魯丕時對

策百餘人維不在高第衛尉馬廖舉李育方正為

鄭均直言不就將作大匠任隗舉高鳳直言到公車

魯恭為中牟令會詔百官舉賢良方正恭薦中牟

名士王方召詣公車

禮之與公卿所舉同 和帝永元六年三月丙寅詔

三公中二千石內郡守相舉賢良方正能直言極諫

各一人

永元九年李法應賢良方正對策除博士

郡及大司農舉戴封對策第一拜議郎

安帝永初元年三月癸酉日食詔公卿守相舉賢良

方正有道術之士明政術達古今能正言極諫各一

人五年閏三月戊戌日食地震詔三公特進列侯中

二千石郡守諸侯舉賢良方正有道術達政化能直

言極諫之士各一人

公卿舉樊英方正有道

郎顛張楷周燮皆不就

楊厚

蘇章

康熙二十六年刊

安帝時舉賢良方正
對策高第爲議郎

順帝延光四年九月京師大

疫辛亥詔公卿守相舉賢良方正直言極諫各一人

漢安元年二月丙辰詔公卿大將軍舉賢良能探曠

深隱者各一人陽嘉二年六月丁丑地拆引公卿所

舉純樸之士對策

李固馬融張衡以固爲第一

冲帝建康元年

九月地震庚戌詔舉賢良方正之士

策問以皇甫規對爲上第拜郎

中杜喬房植寧荀淑對策法真舉賢良不就

桓帝建和元年四月庚

寅詔舉賢良方正直言極諫三年六月庚子

同永興

二年二月癸卯舉各一人

司徒种嵩舉劉淑賢良方正對策爲天下第一延

熹八年正月永康元年五月皆以日食舉賢良方正

延舉賢良方正再遷爲侍中太尉舉孔昱方正

對策不合夏綬舉直言陳蕃舉方正不就荀爽

舉賢良方正對策張奐舉賢良對策第一延熹

八年舉賢良方正楊秉舉劉瑜對策異八千餘言

趙典舉有道方正賀純三舉賢良不就五行志

注廣州先賢傳曰和帝時策問陰陽不和方正鬱林

養奮靈帝初太尉黃瓊舉檀敷方正對策合時宜

對策拜郎中孫期郡舉方正不就桓鸞舉有

有道不就許劭舉方正淳樸董扶再舉賢良方正

有道不就胡廣舉劉矩賢良

方正張範以方正拜議郎

前傳貢禹舉賢良爲河南令疏受以賢良舉爲太

子家令黃霸左馮翊宋畸舉霸賢良高第擢揚州

刺史朱邑舉賢良爲大司農丞蓋寬饒舉方正

對策高第周禮宰夫書其能者良者以告于上注

萬曆十六年 臨生于光烈刊

鄭司農云。若今時舉孝廉賢良方正茂才異等。

漢射策 甲科令

列傳蕭望之以射策甲科爲郎注師古曰。謂爲難問。疑義書之於策。量爲大小。書甲乙之科。列而置之。不使彰顯。有欲射者。隨其所取得。而釋之。以知優劣。射之言。投射也。對策者。顯問以政事。觀其文辭。定高下也。匡衡以射策甲科。不應令。除爲太常掌故。注師古曰。投射得甲科之策。而所對之。指不應令。條是不應甲科之令。史記褚先生曰。匡衡數射策不中。至九中。丙科。兒寬以射策爲掌故。馬宮。翟方進。何武。王嘉。並以射策甲科爲郎。

房鳳以射策乙科爲太子掌故

儒林

召信臣以

明經甲科爲郎

循吏

揚雄解嘲鄉使上世之士處

乎今策非甲科行非孝廉舉非方正獨可抗疏時道

是非高得待詔下觸聞罷又安得青紫

儒林傳平

帝時歲課甲科四十人爲郎中乙科二十人爲太子

舍人丙科四十人補文學掌故贊曰武帝設科射策

後傳張元光武時顏氏博士缺試策第一拜博士

徐防永元十四年上疏曰博士及甲乙策試宜從

其家章句開五十難以試之論語不宜射策詔從防

言李巡以爲博士試甲乙科爭第高下更相告言

乃刻石經爭者用息

順帝紀陽嘉元年七月丙辰

增甲乙科貢各十人

漢孝悌力田常貢 唐孝悌力田

見制舉

紀高帝二年二月舉民年五十以上能帥衆爲善置以三老鄉一人擇一人爲縣三老 惠帝四年正月

詔舉民孝弟力田者復其身 高后元年二月初置

孝弟力田二千石者一人注師古曰特置孝弟力田

官而尊其秩欲以勸厲天下令各崇行務本 文帝

十二年三月詔曰孝悌天下之大順也力田爲生之

本也三老衆民之師也廉吏民之表也朕甚嘉此二

三大夫之行令萬家之縣云無應令是吏舉賢之道未備也其遺謁者勞賜三老孝者帛人五匹悌者力田二匹廉吏二百石以上率百石者三匹以戶口率置三老孝悌力田常負令各率其意以道民

師古曰增置其

負廣教化也

武帝建元元年四月詔曰於鄉里先耆艾奉

高年古之道也民年九十以上復子孫

復孝敬謂此也

元

朔元年十一月詔曰旅耆老復孝敬

董仲舒制曰勸孝悌崇有德

元狩元年四月詔曰朕嘉孝弟力田其遺謁者存問

致賜賜縣三老孝者帛人五匹鄉三老弟者力田帛

人三匹六年六月詔曰諭三老孝弟曰爲民師舉獨

行之君子召詣行在所 宣帝地節三年十一月詔

曰傳曰孝弟仁之本其令郡國舉孝弟有行義聞於

鄉里者各一人四年二月詔曰導民以孝則天下順

元康元年三月賜三老孝弟力田帛 元帝初元五年

四月永光二年二月建昭三年三月賜帛 成帝建

始元年二月賜錢帛三年三月賜爵二級綏和元年

二月賜帛 成帝陽朔四年正月詔曰洪範八政以

食為先先帝劭農薄其租稅寵其疆力令與孝弟同科

哀帝建平元年二月詔舉孝弟 傳晁錯對策曰尊

賜孝悌農民不租 馮唐以孝著為郎 文翁為蜀

郡守學官弟子高者補郡縣吏次爲孝弟力田 黃
霸神爵四年四月詔潁川孝弟有行義民三老力田
皆以差賜爵及帛五鳳三年張敞言宜令貴臣明飭
長吏守丞歸告二千石舉三老孝弟力田孝廉吏務
得其人 韓延壽守左馮翊民有昆弟訟田延壽曰
三老孝弟受其耻 薛宣曰潁陽令薛恭本縣孝者
功次稍遷 嚴詡本以孝行爲官拜爲美俗使者

後紀明帝中元二年四月丙辰賜三老孝悌力田爵
人三級注三者皆鄉官之名三老高帝置孝悌力田
高后置 章帝元和二年二月乙丑詔曰三老尊年

也孝悌淑行也力田勤勞也國家甚休之其賜帛人一匹勉率農功

韓信家貧無行不得推擇爲吏 陳湯勻貧無節不爲州里所稱舉茂材待遷司隸奏湯無循行

虞翊年十二縣舉順孫國相奇之 趙咨延熹元年

舉至孝有道遷博士 江革元和中天子思革至行制詔齊相曰夫孝百行之冠衆善之始也縣以見穀千斛賜巨孝

任子及博士弟子猶有課試之法力田孝廉止從舉猶有周人鄉遂之意

漢舉孝廉 四科

紀文帝十二年賜孝悌廉吏帛馮唐以孝著爲郎中

武帝元光元年十一月初令郡國舉孝廉各二人董仲舒

舒對策請令諸侯郡守二千石各擇吏民之賢者歲貢各二人以給宿衛故州郡舉茂才孝廉皆自仲舒

發之。循有鄉舉里選諸侯貢士之遺法。廉爲已仕孝爲未仕者。元朔元年冬十一

月詔曰朕旅耆老復孝敬選豪俊講文學稽參政事

祈進民心深詔執事興廉舉孝庶幾成風紹休聖緒

夫十室之邑必有忠信三人並行厥有我師今或闔

郡而不薦一人是化不下究而積行君子雍於上聞

也其與中二千石禮官博士議不舉者罪有司奏議

曰不舉孝不奉詔當以不敬論不察廉不勝任也當

免奏可

孝與廉待之有輕重故法有輕重後漢陳忠曰孝廉之貢發於孝武

宣帝

地節三年十一月詔令郡國舉孝弟有行義聞於鄉

里者各一人

傳張敞奏明飭長吏舉孝廉廉吏務

得其人

孟喜王吉京房蓋寬饒王駿師丹杜鄴鮑

宣馮譚遂並以孝廉爲郎

龔勝爲郡吏三舉孝廉

路溫舒劉輔舉孝廉爲丞令

劉茂察孝廉再遷

五原屬國候

後紀章帝建初元年三月詔曰鄉舉

里選必累功勞今刺史守相不明真僞茂材孝廉歲

以百數既非能顯而當授之政事甚無謂也前世舉

人貢士或起則以不繫閣閱其令太傅三公二千石
舉賢良方正直言極諫之士各一人夏五月辛酉初
舉孝廉郎中寬博有謀任典城者以補長相 和帝
永元七年四月詔曰舊典因孝廉之舉以求其人 云

云悉以所選郎出補長相十三年十一月丙辰詔幽

并涼州戶口率少邊役衆良吏進仕路狹撫接夷狄

以人爲本其令緣邊郡口十萬以上歲舉孝廉一人

不滿十萬二歲二人五萬以下三歲一人

從丁鴻制
考之歸也

行其終失也計口繹舉 安帝永初二年九月庚

子詔王主管屬墨綬下至即謂者其經明任博士居

鄉里有廉清孝順之稱才任理人者國相歲移名與計借上尚書公府通調令得外補元初六年二月地震壬子詔選孝廉郎寬博有謀清白高行者五十人

補令長丞尉 順帝即位十二月甲申令郡國守相

視事未滿歲者一切得舉孝廉吏注漢法視事陽嘉

元年十一月辛卯初令郡國舉孝廉限年四十以上

諸生通章句文吏能牋奏乃得進選其有茂材異行

若顏淵子奇不拘年齒閏月丁亥令諸以詔除為郎

年四十以上課試如孝廉科者得參廉選歲舉一人

桓帝本初元年七月丙戌詔曰孝廉廉素皆富與城宰

民禁姦舉善興化之本

云云

杜絕邪偽請託之原令

廉白守道者得信其操

百官志

凡郡國歲盡遣吏

上計并舉孝廉郡口二十萬舉一人

列傳丁鴻時

大郡口五六十萬舉孝廉二人小郡二十萬并有舉

吏者亦舉二人帝以爲不均下公卿會議鴻與司空

甄防上言自今郡國率二十萬口歲舉孝廉一人四

十萬二人至百二十萬六人不滿二十萬二歲一人

不滿十萬三歲一人從之

樊儵求平元年上言郡國

舉孝廉率取年少能報恩者宿大賢多見廢棄宜勅

郡國簡用良俊顯宗從之

左雄陽嘉元年太學新

歲雄上言郡國孝廉古之貢士則出宰民宣協民教孔子曰四十而不惑禮稱強仕請自今孝廉年不滿四十不得察舉皆先詣公府諸生試家法文吏課牋奏副之端門練其虛實以觀異能若有茂材異行自可不拘年齒帝從之

胡廣駁曰可宣下百官參其同

異帝卒用雄奏

於是頒下郡國明年有廣陵孝廉徐

淑年未及舉臺郎疑而詰之對曰詔書有如顏回子奇不拘年齒雄詰之曰顏回聞一知十孝廉聞一知幾淑無以對乃遣還郡於是濟陰太守胡廣等十餘人皆坐繆舉免黜唯汝南陳蕃潁川李膺下邳陳球

等三十餘人得拜郎中自是牧守畏慄莫敢輕舉迄
于永嘉察選清平多得其人張衡爲太史令陽嘉二
年六月對策自初舉孝廉迄今二百歲皆先孝行行

有餘力始學之法辛卯詔書一以能誦章句結奏案

爲限雖有至孝不當其科所謂捐本而求末者也黃

瓊爲尚書令以雄前所上孝廉之選專用儒學文吏

於取士之義猶有所遺乃增孝廉及能從政者爲四

科通監漢安二年廉作悌又雄前議舉吏先試之於公府又

覆之於端門後尚書張成奏除此科瓊復上言覆試

之作將以覆實虛濫不宜改革帝乃止論曰漢初詔

舉賢良方正州郡察孝廉秀才斯亦貢士之方也

百官

志注決疑注云故事尚書郎以令史久缺補之世祖始改用孝廉爲郎以丁郎補焉郎稱病不就職問實病羞爲郎乎對曰臣實不病耻以孝廉爲令史耳世祖怒杖之數十詔問欲爲郎否對曰能殺臣者陛下不能爲郎者臣詔遣出竟不爲郎中興以後復增敦朴有道賢能直

言獨行高節質直清白敦厚之屬策路旣廣缺望難裁自是功名僞服浸以流競權門貴仕請謁繁興自左雄任事限年試才雖頗有不察固亦因識時宜而黃瓊胡廣張衡崔瑗之徒泥滯舊方互相詭駁循名者屈其短筭實者挺其効故雄在尚書天下不敢妄選十餘年間稱爲得人

胡廣順帝時尚書令左雄

議改察舉之制廣與尚書郭虔史敞上書駁之不從

周防韋彪包咸陳龜唐檀杜根高彪

郡舉孝廉
試經第舉

爲郎中江革鍾興楊仁張元崔琦徐防桓彬桓典

爲郎周嘉雷義舉爲尚書侍郎謝夷吾第五訪劉寔

劉梁劉陶舉爲令長劉平鍾離意第五倫董鈞宋意

鄭弘袁安曹褒魏霸張敏程曾周磐

誦詩至汝墳之
卒章乃解韋帶

就孝
廉舉

張霸周章許荆龐參葛龔左雄王龔李郃陳禪

陳蕃杜喬李膺朱穆陳球劉祐宗慈檀敷羊陟賈彪

延篤吳祐范滂尹勳劉矩孟嘗王脩荀彧陳重應劭

許愷服虔傅燮臧洪皆舉孝廉

法雄察胡廣孝廉

到京師試以章奏安帝以爲天下第一江革永平
中舉孝廉爲郎元和中天子思革至行制詔齊相曰
夫孝百行之冠衆善之始也國家每推志士未嘗不
及革種嵩始爲縣門下史河南尹田歆謂王湛曰
今當舉六孝廉多得貴戚書命不宜相違欲自用一
名士以報國家湛見嵩異之白歆曰得孝廉矣近洛
陽門下史也舉孝廉不就者劉昆趙孝淳于恭張
衡周燮蔡順戴良張綱黃憲種岱孔季彥周麟穎容
王烈王暢楊彪桓曄趙咨向栩而四察孝廉皆不應
者徐穉也禮宰夫注若今舉孝廉賢良方正茂才

異等疏孝廉謂孝弟廉絜賢良卽良者謂有賢行而
良善也方正方幅正直者茂才漢光武諱秀時號爲
茂才卽能者也云異等者四科不同等級各異故云
異等 鄉大夫注變舉言興者謂合衆而尊寵之疏

文王世子云或以事舉或以言揚故今貢人皆稱舉

稽古志黃初二年正月乙亥初令郡國口滿十萬者

歲察孝廉一人其有秀異無拘戶口 華歆傳三府

議舉孝廉本以德行不復限以試經歆以爲恐學業

從此而廢 通典魏黃初三年 正月庚午 始除漢限

年之制令郡國所選勿拘老幼儒通經術吏達文法

到皆試用晉袁宏曰古者四十而仕非謂仕必是年也舉其大限耳顏淵子奇曠代一有而欲

以斯爲格不亦偏乎

漢察廉

紀文帝十二年詔廉吏民之表也朕甚嘉此二三大夫之行今萬家之縣去無應令詔賜三老孝悌廉吏帛有差 **景帝**後元二年五月詔其唯廉士寡欲易足令訾筭十日上廼得官廉士筭不必衆 云云 訾筭四得官亡令廉士久失職 **宣帝**黃龍元年夏四月詔曰舉廉吏欲得其真也六百石位大夫毋得舉 **平帝**元始元年正月令宗室其爲吏舉廉佐史補四

百石

傳趙廣漢爲平準令察廉爲陽翟令朱博以

太常掾察廉補安陵丞薛宣以大司農斗食屬察廉
補不其丞光祿勳于未除王嘉爲掾察廉爲南陵丞
復察廉爲長陵尉馮遂太常察孝廉爲郎平當以大
鴻臚文學察廉爲順陽長

此九卿察廉也

御史大夫

魏相除蕭望之爲屬察廉爲治禮丞班彪察司徒廉
爲望都長

此三公察廉也

黃霸察補河東均輸長復

察廉爲河南太守丞王尊以幽州刺史從事察廉補
鹽官長尹賞以郡吏察廉爲樓煩長瑯邪守趙貢察
薛宣廉遷都尉丞尹翁歸以督郵舉廉爲緱氏尉弘農都

尉張敞以太守卒史察廉爲甘泉倉長嚴延年察獄

史廉坐選舉不實貶秩

此郡國察廉也

池陽令舉廉

吏獄掾王立

此縣道察廉也

韓安國所推舉皆廉士

賢於已者於梁舉壺遂臧固

張敞奏宜明飭長吏

舉孝廉廉吏務得其人

天子召上計吏使侍中臨飭

光武詔三公中二千石歲察廉吏一人凡郡國守相

視事未滿歲不得察廉以未久不周知也

漢舉茂材 建武詔書

紀武帝元封五年名臣文武欲盡詔曰跡弛之士在御之而已令州郡察吏民有茂材異等可爲將相及

使絕國者

法應補曰舊言秀才避光武諱
傅子曰元封五年舉秀才

宣帝元

康四年正月遣太中大夫彊等十二人循行天下存
問寡衆覽觀風俗察吏治得失舉茂材異倫之士

元帝初元二年三月詔舉茂材異等直言極諫之士

陳湯

元光元年三月壬戌朔詔郡國舉茂材異等賢

良直言之士各一人

薛宣

建昭四年夏四月詔舉茂

材特立之士

漢官目錄

建武十二年八月乙未詔

書三公舉茂材各一人廉吏各二人光祿歲舉茂材
四行各一人察廉吏三人中二千石歲察廉吏各一
人廷尉大司農各二人將兵將軍歲察廉吏各二人

監察御史司隸州牧歲舉茂材各一人

列傳董仲

舒對策推明孔氏立學校之官州郡舉茂材孝廉皆自仲舒發之 陳湯得大官獻食丞元帝詔列侯舉

茂材張勃舉湯湯有罪勃坐削戶二百 薛宣幽州

刺史舉茂材 馮遂光祿勳舉茂材 龔勝州舉茂

材爲重泉令 趙廣漢舉茂材 賈捐之薦楊興曰

明詔舉茂材列侯以爲首 蕭咸爲丞相史尹賞爲

樓煩長舉茂材 師丹建始中州舉茂材復補博士

後傳牟融以司徒茂才爲豐令 班彪舉司隸茂

才拜徐令 王渙舉茂才除溫令 孟嘗策孝廉舉

茂才拜徐令 玉堂舉光祿茂才 楊震周舉崔瑗

應奉皇甫嵩葛龔陳重皆舉茂才 种岱相曄趙典

楊彪舉茂才不就 徐穉三舉茂才不就 張儉舉

茂才以刺史非人不起 黃琬傳稍遷五官中郎將

時陳蕃爲光祿勳數議事舊制光祿舉三寺郎以高

功久次才德尤異者爲茂材四行然權富子弟多得

舉而貧約守志者見遺京師謠曰欲得不能光祿茂

才於是琬蕃同心顯用志士平原劉醇河東朱山蜀

郡因參等並以才行蒙舉 周禮鄉大夫興賢者能

者注鄭司農云興賢者若今之舉孝廉興能者若今

舉茂材

漢察舉

文翁傳通春秋以郡縣吏察舉爲蜀守蜀生皆成就以爲右職用次察舉官有至郡守刺史者

漢計偕

貢舉簿

紀武帝元光五年八月召吏民有明當世之務習先聖之術者縣次給食令與計偕注師古曰計者上計簿使也令所召之人與上計者俱來後世誤謂上計爲計偕闕駟妄解云秦漢謂諸侯朝使曰計偕偕次也晉代有計偕簿又改偕爲階失之遠

又見功令

後紀明帝永平九年四月甲辰令司隸部刺史歲上
墨綬長吏視事三歲以上治狀尤異者各一人與計
偕上注與計吏俱上和帝永元十四年初復郡國
上計補郎官注武帝令郡國舉孝廉各一人與計偕
拜爲郎中中廢今復之安帝永初二年九月庚子

詔王官屬墨綬下至郎謁者其經明任博士居鄉里
有廉清孝順之稱才任理人者國相歲移名與計偕
上尚書公府通調令得外補

禮記射義諸侯歲獻

貢士於天子注歲獻國事之書及計偕物也三歲而
貢士舊說云大國三人次國二人小國

一人。疏漢時謂郡國送文書之使爲計吏，其貢獻之物與計吏俱來，故謂之計偕物。

漢舊儀御史大夫

敕上計丞長史曰：郡國有茂才不顯者言。

續志郡

國歲盡遣吏上計，并舉孝廉。郡口二十萬舉一人。計

今計吏也。前書音義曰：漢制使郡丞奉歲計。

郡國志注案今計偕簿

朱買臣隨上計吏上書。文翁買蜀刀布齎計吏遣

博士黃霸召上計吏臨飭。范式長沙上計掾到

京師上書表式行狀。三府並辟。劉翊皇甫規舉上

計掾。王逸元初中舉上計吏爲校書郎。度尚爲

計吏拜郎中。許靖舉計吏。龐參爲太尉

當會茂才。參以被奏，稱疾不得會。上計掾廣漢
段禁因會上疏。揚秉經帝時，郡國計吏多留拜爲
郎。秉上言：「三舍見郎七百餘人，自此計吏無復留拜
者。」趙壹光和元年舉郡上計。光和三年，帝問刺
史計吏以征討方畧。漢中上計程包對云：「韋誕建
安中爲郡上計吏，拜郎中。」吳志注：志林曰：案會稽
貢舉簿，建安十二年至十三年闕無舉者。

漢博士弟子員 功令 太常品式

武紀元朔五年夏六月，詔太常其議予博士弟子崇
鄉黨之化，呂厲賢材焉。丞相弘請爲博士置弟子員。

學者益廣

儒林傳公孫弘爲學官悼道之鬱滯廼

請白丞相御史言蓋聞導民以禮風之以樂婚姻者

居室之大倫也今禮廢樂亡朕甚愍焉故詳延天下

方聞之士咸登諸朝

立學校之官自仲舒發之

其令禮官勸學講

議洽聞舉遺興禮以爲天下先太常議興博士弟子

崇鄉里之化以厲賢材焉

師古曰自此以上弘所引詔文

謹與太常

臧博士平等議曰聞三代之道鄉里有教夏曰校殷

曰庠周曰序其勸善也顯之朝廷其懲惡也加之刑

罰故教化之行也建首善自京師始繇內及外今陛

下昭至德開大明配天地本人倫勸學興禮崇化厲

以風四方太平之原也古者政教未洽不備其禮請因舊官而興焉爲博士官置弟子五十人復其身

太常擇民年十八以上儀狀端正者補博士弟子

皆太

常所請也

詔書旣日崇常黨之化則太常所補不過取諸閭中而已

郡國縣官有好

文學敬長上需政教順鄉里出入不悖所聞令相長丞上屬所二千石謹察可者常與計偕請太常得受業如弟子

此郡國所擇也

一歲皆輒試

一作課

能通一藝以上

補文學掌故缺其高第可以爲卽中者太常籍奏卽有秀才異等輒以名聞其不事學若下材及不能通一藝輒罷之而請諸能稱者臣謹案詔書律令下者

明天人之際通古今之誼文章爾雅訓辭深厚恩施甚美小吏淺聞弗能究宣亡以明布諭下以治禮掌故以文學禮義為官遷留滯請選擇其秩比二百石以上及吏百石通一藝以上補左右內史大行卒史

注師古曰左右內史後為左馮翊右扶風大行令後為大鴻臚

比百石以下補郡太

守卒史皆各二人邊郡一人先用誦多者不足擇掌

故以補中二千石屬文學掌故補郡屬備員請著功

令

師古曰新立比條請以著於功功令功篇名若今選舉令

他如律令制可自此

以來公卿大夫士吏彬彬多文學之士矣昭帝時舉賢良文學增博士弟子員滿百人宣帝末增倍之元

帝好儒能通一經者皆復數年間以用度不足更爲

設負千人郡國置五經百石卒史初元五年罷博士弟子毋置負以廣

學者永光三年冬復博士弟子負成帝末或言孔子布衣養徒三千

人今天子太學弟子少於是增弟子負三千人歲餘

復如故贊曰自武帝立五經博士開弟子負設科射

策勸以官祿訖於元始百有餘年傳業浸盛一經訖

至百餘萬言太師衆至十餘人王式傳唐生褚生應

博士弟子選詣博士摠衣登堂頌禮甚嚴試誦說有

法諸博士問何師對曰事式共薦式爲博士列傳

又翁選郡縣小吏十餘人遣詣京師受業博士循吏

終軍選爲博士弟子。至府受遺。兒寬。呂郡國選

博士。受業孔安國。張湯請博士弟子治尚書。春

秋補廷尉史。蕭望之。召令詣太常受業。即

此業爲太常。選舉不實免。何武。詣博士受業。鮑

官。下廷尉獄。博士弟子王咸舉幡大學下。曰救鮑司

隸者會此下。息夫躬爲博士弟子受春秋。表山

陽侯張當居元朔五年。坐爲太常。擇博士弟子不以

實免。史記擇後傳伏湛成帝時以父任爲博士第

子。伏恭太常試經第一。拜博士。史記太史公曰。

余讀功令。至於廣厲學官之路。未嘗不廢書而嘆也。

大事記前此博士雖以經授徒而無考察試用之法
至是官爲置弟子負所謂興太學也

通典後漢本

初元年詔大將軍以下至六百石悉遣子弟就學建
和初詔諸學生課試補官永壽二年課試補郎舍人
建安中侍中鮑衡奏公卿至六百石子弟爲郎舍人
皆聽詣博士受業其高才秀達學通一藝太常爲作
品式後之

漢博士選三科

孔光傳成帝時博士選三科高爲尚書次爲刺史其
不通政事以久次補諸侯大傅光以高第爲尚書觀

故事品式數歲明習漢制及法令上信任之

成紀

陽朔二年九月詔儒林之官四海淵源宜皆明於古
今溫故知新通達國體故謂之博士丞相御史其與
中二千石二千石雜舉可充博士位者

後官志太

常每選試博士奏其能否

後傳蔡茂哀平間召試

博士對策陳災異以高第擢拜議郎

翟酺安帝時

尚書有缺詔將大夫六百石以上試對政事天文道
術以高第補之酺對第一

王暢時政事多歸尚書

持詔三公令高選庸能

漢舊儀漢刺史察六條舉

民有茂材移名丞相丞相考召取三科明經一科明

律令一科能治劇一科考一人

魏明帝太和二年六月詔高選博士才任侍中常侍者

漢光祿四行

紀元帝永平元年二月詔丞相御史舉質樸敦厚遜讓有行者光祿歲以此科第郎從官歲舉二人注師古曰始令丞相御史舉此四科人擢用之而見在郎

及從官又令光祿每歲依此例考校定其第高下用

知其人賢否

何武為郎光祿勳舉四行遷鄴令師古注永光元年匡衡為光祿勳舉王駿

有專對才

成帝河平四年三月舉淳厚有行能直

言之士鴻嘉二年三月詔淳厚有行義能直言者異

聞嘉謀正朕之不逮

王祐鴻嘉中舉淳厚能直言召見宣室

永始三年正月

日食詔遣太中大夫嘉等循行天下與部刺史舉淳

樸遜退有行義者各一人

蘇玄舉淳樸行義對策高第拜議郎

哀帝

建平元年二月詔舉孝悌淳厚平帝元始元年五

月丁未朔日食舉淳厚能直言者各一人

大鴻臚左咸舉譙玄

詣公車對策

後紀光武建武十二年八月乙未詔光祿

歲舉郎茂才四行各一人

漢官目錄見百官志注

安帝元

初六年二月壬子詔光祿勳與中郎將選孝廉郎寬

博有謀清白行高者五十人

後傳吳祐以光祿四

行遷膠東侯相注漢官儀曰淳厚質樸遜退節儉也

范滂舉孝廉光祿四行 李固陽嘉二年公卿舉

固對策

續漢書曰詔公卿舉敦樸之士衛尉賈逵

第一舊任三府選令史光祿試尚書郎時皆特拜不復

選試固言選舉可歸有司復與光祿勳劉宣言選舉

拔守多非其人 馬融舉淳樸召詣公車對策於北

宮端門拜議郎 張儉舉淳樸公車赴召拜少府

杜林建武十一年爲光祿勳選舉稱平 魯恭遷光

祿勳選舉稱平 陳忠爲尚書舉光祿郎周興孝友

之行情厲之志 陳蕃延熹六年爲光祿勳與五官

中郎將黃琬共典選舉不偏權富 黃琬舊制光祿
舉三舍郎以高第久次才德尤異者爲茂才四行琬
與蕃同心顯用志士 **志**光祿勳卿一人典謁舍郎
更直執戟宿衛門戶考其德行而進退之

爰益爲中郎將徒張釋之謁者則郎之進退將調之
也爰益調隴西都尉則將之進退光祿勳調之也
周宮正以時比宮中之官府稽其功緒糾其德行宮
伯掌王宮之士庶子行其秩序

漢辟士四科 建武詔書

和紀注漢官儀曰建初八年十二月己未詔書辟士

四科一曰德行高妙志節清白二曰學通

徑明

一作行修

經中

一作能任

博士三曰明達文法

一作曉法律

足以決疑能

案章覆問文中

一作任

御史四曰剛毅多畧遭事不惑

明足以照奸勇足以決斷才任三輔令皆存孝悌清

公之行

文選注云三輔劇縣令

自今以後審四科辟召務盡實

校試以職考選有非人不習曹事正舉者故不以實

法 **百官志** 太尉長史署諸曹事掾史屬二十四人

注漢官儀曰世祖詔方今選舉賢佞朱紫錯用丞相

故事四科取士

同和紀注

漢官目錄曰建武十二年

八月乙未詔書三公舉茂材各一人廉吏各二人光

祿歲舉茂材四行各一人察廉吏三人中二千石歲
察吏各一人廷尉大司農各二人將兵將軍歲舉廉
吏各二人監察御史司隸州牧歲舉茂才各一人漢
舊儀故事丞相設四科之辟以博選賢德爲上稱量
不宜者還故官第一補西曹南閤祭酒二科補議曹
三科補四辭八奏四科補賦決胡廣曰漢武丞相設
四科之辟德行高妙爲第一補南閤祭酒 文選求
明策秀才文注崔寔政論云詔書故事三公辟召以
四科取士一日德行志節二日經學通行修三日明
曉法令四日剛毅多畧才任三輔劇縣令 通典元

光元年舉賢良董仲舒請令諸侯列卿郡守二千石
歲貢各二人以給宿衛於是令郡國舉孝廉各一人
又制郡國口二十萬以上歲察一人四十萬以上二
人六十萬三人八十萬四人百萬五人百二十萬六
人不滿二十萬二歲一人不滿十萬三歲一人限以
四科一曰德行云云同漢官儀章帝建初元年紀二

已是年正月詔

二千石謹選舉鄉舉里選必累功勞今刺史守相不

明真偽茂才孝廉歲以百數既非能顯而當授之政
事甚無謂也始復用前漢丞相故事以四科辟士凡
所舉事先試之以職乃得充選注元光初武帝因董

寄之言立制故事在丞相府今復用之第一科補

西曹南閣祭酒

云云同漢舊儀 案四科取士通典以爲元光和紀注作建初官志注作

世祖未

知是後黃瓊以孝廉用儒學文吏猶有遺乃奏增

孝悌及能從政者爲四科

非前四科比

紀章帝建初五

年五月辛亥詔曰朕思遲直士側席異聞其先至者

欲置左右建武詔書又曰堯試臣以職不直以言語

筆札今外官多曠並可補任 和帝永元五年三月

戊子詔曰選舉良才爲政之本科別行能必由鄉曲

郡國舉吏先帝明敕在所今試之以職乃得充選宣

布以來出入九年二千石曾不奉命

注引漢官儀見

上志漢官曰太常負吏八十五人其十四人四科

兗祿勲負吏四十四人其十人四科衛尉負吏四十

一人其九人四科太僕負吏七十人其七人四科廷

尉負吏百四十人其十一人四科大鴻臚負吏五十

五人其六人四科治禮郎四十七人其四人四科宗

正負吏四十一人其六人四科大司農負吏百六十

四人其十八人四科少府負吏三十四人其一人四

科執金吾負吏二十九人其十人四科

漢官儀博士舉狀曰行應

四科經任博士書其板舉主保之

御史大夫貢禹除諸葛豐爲屬張忠辟孫寶魏相除

蕭望之爲屬大司馬王商辟鮑宣薦爲議郎大司空
何武除宣西曹掾此以德行志節舉者也御史大夫
蕭望之除薛廣德爲屬大司馬史高辟匡衡爲議曹
史丞相方進除李尋爲史大司馬根奏房鳳補長史
王商位特進得舉吏除杜鄴主簿此以經學舉者也
張湯爲甯成掾以無害言大府丞相武安侯召湯爲
史薦補侍御史廷尉湯召兒寬爲掾廷尉光請路溫
舒爲奏曹掾嚴延年除御史掾鄭賓以明律令爲御
史薛宣以明習文法補御史中丞此以文法舉者也
大將軍鳳薦薛宣爲長安令請王尊補軍中司馬大

司空武舉何並能治劇爲長陵令左馮翊宣舉尹賞
能治劇爲潁陽令大司徒馬宮舉陳遵能治三輔劇
縣拜郁夷令原涉爲大司徒史舉能治三輔爲谷口
令此以才畧舉者也

四科以德行志節辟者若司徒侯霸辟閔仲叔鍾離
意楊震辟杜喬胡廣辟李膺杜密大司馬吳漢辟王
良周澤辟大司馬府爲議曹祭酒太尉楊賜辟趙咨
宋田辟何敞驃騎將軍蒼開東閣延賢俊辟荀恁朱
暉等大將軍隲辟楊震太尉府辟趙孝范冉司徒府
辟陳重其三府更辟不應者楊倫

三公辟不就者高

五府連辟不應者黃瓊張楷李固劉淑荀爽也徐穉
五辟宰府不應宗慈鐘皓九辟公府不就而陳寔紀
諶公府同辟羔鴈成群以經行辟者如周榮董鈞桓
榮皆辟於司徒牟長陳元尹敏鄭衆皆辟於司空周
防任安皆辟於太尉東平王蒼辟吳良爲西曹薦其
學通師法經任博士行中表儀以爲議郎太傅趙熹
辟魯恭以文法辟者衛颯舉能案劇爲侍御史郭躬
以明法律辟公府司徒鮑昱辟陳寵爲辭曹司徒桓
虞辟李恂拜侍御史劉愷舉陳忠明習法律宜備機
密司隸鮑一辟鮑恢都官從事張綱王允桓典楊球

府高第种嵩羊陟辟太尉府高第朱穆辟太將軍高第並爲御史以才畧辟者李善以能治劇守日南袁安以能治劇守楚郡韋義舉治劇爲廣都長法雄舉治劇爲平氏長王堂以治劇爲巴郡守陳寔以理劇爲聞喜長賈琮以能吏爲交趾刺史皆公府辟舉

劇令伏恭細陽令陳重及魯恭繆彤皆舉尤異

刺史所辟若王充陳禪州辟治中從事周景辟陳蕃別駕從事

豫州刺史王允辟荀爽孔融爲從事

太守所辟若韓崇召蔡順爲東閭祭酒劉授召黃香爲門下孝子梁湛召繆彤爲決曹掾縣令所辟若

外黃令以爰延爲廷掾范丹爲功曹考城令以仇覽

爲主簿

張酺曰三府辟史多非其人

司隸校尉晏
祖奏令三府

各案其
掾

漢舉獨行 有道 至孝

武紀元狩六年六月詔舉獨行之君子召詣行在所

朕甚喜賢者樂知其人士有特招使者之任也

遺傳

士大夫循行天下

後逸民傳光武側席幽人求之

若不及旌帛蒲車之所招賁相望於岩中薛方逢萌
聘而不肯至嚴光周黨王霸至而不能屈所謂舉逸
民而天下歸心肅宗亦禮鄭均召高鳳以成其節

方術傳郭憲光武求有道之人徵拜博士李南舉

有道不行

紀

兼列傳

安帝建光元年三月尚書陳忠

薦隱逸及直道之士周燮杜根等四月令公卿下至

郡國守相各舉有道之士一人詔拜有道高第士施

延爲侍中

桓帝元嘉元年十一月辛巳地震詔公

卿郡國舉至孝獨行之士涿郡舉崔寔詣公車不對

策延熹元年大司農舉趙咨至孝有道遷博士九年

正月辛亥朔日食詔公卿校尉郡國舉至孝太常趙

典與荀爽至孝對策

靈帝建寧元年五月丁未朔

日食詔公卿及郡國守相舉有道之士各一人二年

舉謝弼對策除郎中 樊英楊厚郎顛荀爽宗慈郭
泰申屠蟠趙曄舉有道不就 侯瑾張芝公車有道
召不到 徐穉四舉有道不就 周磐以有道特召
唐高適舉有道科 李白州舉有道不應

漢舉將帥 勇猛

紀成帝元延元年七月詔北邊二十二郡舉勇猛知
兵法者各一人 哀帝建平四年八月詔將軍中二
千石舉明兵法有大慮者 平帝元始二年秋舉勇
武有節明兵法郡一人 諸公車 史記任安田仁爲
衛將軍舍人有詔募擇將軍舍人以爲郎少府掾

悉召舍人百餘人以次問之曰獨此兩人可耳詔召見問能畧使安護北軍仁護田穀於河上

列傳路

溫舒遷右扶風丞詔書令公卿選可使匈奴者溫舒上書願給廝養下問狀罷歸趙克國本始中舉可

先行羗者辛武賢段會宗竟寧中五府舉爲西域

都護馮奉世宣帝時選可使外國者前將軍增舉

奉世帝召見韓增曰賀將軍所舉得其人

後紀安

帝永初五年七月己巳詔三公特進九卿校尉舉列將子孫明曉戰陳任將帥者建光元年十一月癸卯詔三公特進侯卿校尉舉武猛堪將帥者各五人

順帝永和三年九月丙戌令大將軍三公各舉故刺

史二千石及見令長郎謁者四府掾屬剛毅武猛有

謀謨任將帥者各二人特進卿校尉各一人

司隸左
雋舉馮

真大長秋良
駕無所薦漢安元年十一月癸卯詔大將軍三公

選武猛試用有効驗任爲將校者各一人靈帝中

平元年三月壬子舉明戰陣之畧者詣公車

傳滕撫

建康二年朝廷博求將帥三公舉撫有文武才拜爲

九江都尉應奉四府舉才堪將帥永興元年拜武

陵守皇甫規延熹四年冬三公舉爲中郎將規薦

張奐才畧宜正元帥崔寔詔三公舉威武謀畧之

十司空黃瓊薦寔拜遼東守。

宣帝本始元年四月庚午詔內郡國舉文學高第各一人。注韋昭曰中國爲內郡緣邊有夷狄障塞者爲外郡。成帝時內郡舉方正北邊二十二郡舉勇猛士。光武建武三年詔書求天下義士孫福言劉茂召拜議郎。

晉武泰始五年十二月詔州郡舉勇猛秀異之才。七年六月詔公卿以下舉將帥各一人。馬隆傳泰始中將興伐吳之役下詔曰吳會未平宜得猛士以濟武功。雖舊有薦舉之法未足以盡殊才。其普告州郡。

有壯勇秀異才力傑出者皆以名聞將簡其尤異擢用之兗州舉隆才堪良將稍遷司馬督謝玄傳朝廷求文武良將可以鎮禦北方者安以玄應舉魏太和二年十月詔公卿近臣舉良將各一人

漢舉宗室茂材

昭紀始元二年春正月以宗室母在位者舉茂材劉辟彊劉長樂皆爲光祿大夫辟彊守長樂衛尉

傳云擇宗

室可用者辟彊子德待詔丞相府

漢郡國選行義

昭帝元鳳三年三月賜郡國所選有行義者涿郡

韓福等五人帛人五匹遣歸詔曰朕閔勞以官
之事其務修孝悌以教鄉里令郡縣常以正月賜羊
酒 宣帝地節三年十一月詔令郡國舉孝弟有行
義聞於鄉里者各一人

漢郡國貢舉 貢舉制

韋彪傳章帝時

通鑑元和中
元年六月

陳事者多言郡國貢舉率

非功次詔下公卿朝臣議彪爲大鴻臚上議曰國以
簡賢爲務賢以孝行爲首其要在選二千石二千石
賢則貢舉得人

胡廣傳上書曰漢承周秦兼覽殷

夏參雜霸軌貢舉之制莫或回革 蔡邕傳曰孝武

世郡舉孝廉。又有賢良文學之選。名臣輩出。文武並興。漢之得人。數路而已。前鮑宣傳曰。龔勝爲司直。郡國皆謹選舉。唐書薛登曰。漢世求士。必觀其行。士自脩爲鄉里。推舉。然後府寺交辟。北史劉景安曰。兩漢由州郡薦才。

漢明經

紀章帝元和二年五月戊申。令郡國上明經者。口十萬以上五人。不滿十萬三人。順帝陽嘉元年七月丙辰。試明經。下第者補太學弟子。質帝本初元年四月庚辰。令郡國舉明經。通典桓帝建和初。詔諸

生年十六以上比郡國明經試次第上名高第十
五人上第十六人爲中郎中第十七人爲太子舍人
下第十七人爲王家郎永壽二年甲午詔復課試諸
生補郎舍人其後復制學生滿二歲試通試二經者
補文學掌故其不能通二經者須後試復隨輩試試
通二經者亦得爲文學掌故已爲文學掌故者滿二
歲試通三經者爲太子舍人其不得第復試高者亦
得爲太子舍人舍人滿二歲試通四經者爲郎中不
得者復試高者亦得爲郎中郎中試通五經者補吏
隨才而用其不得者復試第復高亦得補吏

前傳

孔安國平當貢禹夏侯勝張禹並以明經爲博士陸
弘翟方進舉明經遷議郎蓋寬饒諸葛豐以明經爲
郡文學王嘉以明經射策甲科爲郎召信臣以明經
甲科爲郎龔遂以明經爲官

後傳袁良舉明經爲

太子舍人

平帝時

戴憑郡舉明經召試博士李業舉明

經爲郎魏應舉明經除濟陰王文學張玄舉明經補
弘農文學周榮董鈞舉明經劉寵以明經舉孝廉

獻帝紀

初平四年九月甲午試儒生四十餘人上第

賜位郎中次太子舍人下第罷之詔曰結童入學白
首空歸朕甚閔焉其依科罷者聽爲太子舍人注長

安中謠曰褰衣褰裳當還故鄉聖主愍念悉用補郎

漢舉隱士

見舉獨行

後李充傳延平中詔公卿中二千石舉隱士大儒特
召充爲博士 **易賁卦疏**漢聘隱士或乃用羔鴈玄
纁蒲輪駟馬豈止束帛之間

玉海卷第一百十四

Handwritten text in a vertical column on the right edge of the page, possibly bleed-through from the reverse side. The characters are difficult to decipher but appear to be in a traditional East Asian script.

玉海卷第一百十五

浚儀王應麟伯厚甫

選舉

科舉二

魏五經課試法

又見經解類

魏志文帝黃初五年夏四月立太學制五經課試之法置春秋穀梁博士明帝太和二年六月詔高選博士才任侍中常侍者申救郡國貢士以經學爲先四年二月壬午詔博士課試擢其高第者亟用浮華者退之魏畧黃初元年之後備博士之員依漢甲乙

以考課太學始開有弟子數百人太和青龍中諸生千數

魏九品中正 晉九品中正

魏初

魏康元年卽黃初元年

尚書陳群以爲天朝選

用不盡人才乃立九品官人之法州郡皆置中正以定其選擇州郡之賢有識鑒者爲之區別人物第其高下初陳羣以吏部不能審覈天下士故令郡國各置中正州郡大中正皆取本土之任朝廷官德充才盛者爲之使銓等級以爲九品有言行修著則升之道義虧缺則降之吏部憑之以補授行之浸久中正

或非其人奸蔽日滋至晉武帝時

太康五年

劉毅上疏曰

夫中正定九品高下任意榮辱在手操人主之威福
奪天朝之權勢公無考校之負私無告許之忌用心
百態營求萬端廉遜之風滅爭訟之路開臣爲聖朝耻
之蓋中正之設損政之道有八高下逐強弱是非隨
興衰一人之身旬日異狀上品無寒門下品無世族
一也置州都者本取州里清議咸所歸服將以鎮異
同一言議也今重其任而輕其人使是非之論橫於
州里嫌讎之隙結於大臣二也本立格之體爲九品
者謂才德有優劣論輩有首尾今使優劣異域首尾

倒錯三也陛下賞善罰惡無不裁之以法獨置中正
委一國之重無賞罰之防又禁人不得訴訟縱橫任
意無所顧憚諸受枉者抱怨積恨不獲上聞四也一
國之士多者千數或流徙異邦或取給殊方方猶不
識況盡其才而中正知與不知皆當品狀悉譽於臺
府納毀於流言任已則有不識之敝聽受則有彼此
之徧五也凡求人才者欲以治民也今當官著効者
或附卑品而在官無績者更獲高敘是爲抑功實而
隆虛名長浮華而廢考績六也官不同人事不同聽
今不狀其才之所宜而但第其九品以品取人或非

才能之所長以狀取人則爲本品之所限徒結白論
品狀相妨七也九品所下不彰其罪所上不列其善
各任愛增以植其私天下之人焉得不懈德行而銳
人事八也由此論之職各中正實爲奸府事各九品
而有八損古今之失莫大於此臣愚爲宜罷中正降
九品弃魏氏之敝法更立一代之美制太尉汝南王
亮司空衛瓘亦請蕩除末法咸用土斷舉善進才各由
鄉論始平王文學李重以九品旣除宜先開移徙聽
相并就則土斷之實行帝不能改

陳群傳制九品

官人之法

傳子曰司空陳羣始立九品之制群置中正州

以九條而陳群
依之以品生人

夏侯玄傳議曰銓衡專於臺閣上

之分也孝行存乎閭巷優劣任之鄉人下之叙也自
州郡中正品度官才未聞整齊豈非分叙參錯各失
其要之所由哉使官長各以其屬能否獻之臺閣臺
閣據能否之第參以鄉閭德行之次擬其倫比中正
唯考行迹別其高下審定輩類勿使升降庶可靜風
俗而審官才矣 晉傳張軌秦始初中書監張華與
軌論經義及故事損益謂安定中正蔽善抑才美爲
之談以爲二品之精 劉毅以光祿大夫歸第司徒
舉毅爲晉州大中正尚書以毅致仕不宜勞以碎務

孫尹表曰。司徒魏舒兼執九品銓十六州。不以爲劇。毅遂爲州都。銓正人流清濁區別。劉頌嫁女陳矯。本劉氏子。改姓陳。中正劉友譏之。李重。江夏人。爲

本國中正。太熙初。遷吏部郎。燕國中正。劉沉舉霍原

爲寒素。

太康元年春正月壬申詔內外羣官舉清能拔寒素

司徒府不從。重奏

曰。案如癸酉詔書。廉讓宜崇。浮競宜黜。蓋以二品繫資。或失廉退之士。故開寒素以明尚德之舉。始舉原先。諮州大中正。後將軍嬰。卿黨之議。既舉。又刺史班詔表薦。如詔書所求之旨。應爲三品。從之。劉沉爲

本邑大中正。崇儒愛賢。進霍原三品。庾珉。潁川人。

爲本國中正。杜良、顏含爲州大中正。陳壽領郡

中正。

南陽樂讓爲郡中正。

徐邈、張闓、華譚本郡大

中正。江適、王坦之、諸葛恢、陸曄、陸玩、州大中正。

盛彥、廣陵人、本邑大中正。劉頌舉彥爲小中正。卞

壺劾淮南小中正王式虧損世教不可居人倫、詮正

之任。解結曰：河北少人士，每以三品爲中正。何

充以州有先達宿德固辭不拜。袁粲爲中正欲下

何岐之品。孔倫爲司徒長史，以溫嶠不終孝道不

過其品。鄭默十二郡中正，僉共舉默。文選注：晉

諸公讚曰：傳宣定九品未訖，劉疇代之，悉改宣法。

宋書魏武始基軍中倉卒權立九品蓋以論人才優劣非謂世族高卑自魏至晉皆天之能改州郡正以才品人都正俗士品目少多隨事俯仰歲月遷訛凡敝衣冠莫非二品自此以還遂成卑庶周漢之道以智役愚魏晉以來以貴役賤 梁天監二年二月庚午置州望郡宗鄉豪各一人掌搜薦後復置中正

後魏州郡有中正掌選舉以季月與吏部銓擇可否

孝文臨軒令諸中正各舉所知大和中詔諸郡中正列士族次第為

選舉格名曰方司格史通曰正始元年冬罷中正大

正若王肅揚州劉芳徐州郭祚并州隋罷中正通典注云九品及中正至隋開皇中

上德二年甫刊 上海卷一百十五 五 乘高

方 唐武德七年正月依周齊制每州置大中正一人掌人物品第以門高者領之無品秩

史記陳勝以朱房為中正 吳有大公平習溫潘秘

為之

今之州首

宋明帝時會稽郡重望計及望孝太守蔡興宗欲舉孔仲智之子為望計郭原平之子為望孝一以高門一以至行會別 用人二選並寢 梁天監四年正月詔九流常選年未三十不通一經不得解褐若才同其類勿限年次

魏舉賢良

魏志明帝太和四年十二月丙寅詔公卿舉賢良青龍元年三月甲子詔公卿舉賢良篤行之士各一人

晉傳玄傳上疏先王臨天下也道化隆於上清議行於下魏武好法術而天下貴刑名魏文慕通達而天下賤守節其後虛無放誕之論盈於朝野今開正直之路惟未舉清遠有禮之臣以厚風節詔報曰舉清遠有禮之臣尤今之要也乃使玄草詔進之

魏四科

文選文帝典論論文曰文本同而末異蓋奏議宜雅書論宜理銘誄尚實詩賦欲麗此四科不同故能之

者偏也唯通才能備其體

吳四科

吳志注赤烏二年正月詔曰郎吏者宿衛之臣古之命士也間者所用頗非其人自今選三署皆依四科不得以虛詞相飾

晉舉賢良

紀武帝泰始四年十一月己未詔王公卿尹郡國守相舉賢良方正直言之士 成帝咸和六年三月日食癸未詔舉賢良直言之士七年十一月壬子朔詔舉賢良 傳郤詵泰始中舉賢良直言 阮种爲公

府掾何曾舉种賢良時种與郤詵及東平士康俱居
其上第 夏侯湛泰始中舉賢良 摯虞與湛等十
七人策爲下第武帝因詔賢良方正直言會東堂策
問

晉策試秀孝 舉異行

魏察孝廉

列傳

劉毅魏末郡察孝廉

劉頌察孝廉舉秀才不

就

劉寔郡察孝廉州舉秀才以計吏入洛

李胤

初仕上計掾舉孝廉

許芝郡舉上計吏

庾峻舉計掾

武紀泰始四年六月甲申朔詔郡國守相士庶有好

學篤道孝悌忠信清白異行者舉進之

庾袞察孝廉舉秀才清白

異行皆不降志世號為異行

孔

衍舉異行直言

杜夷三察孝廉

不就

虞溥曹毗杜軫察孝廉

陳頤元康中舉孝廉

紀瞻

部察孝廉不行後舉秀才尚書郎陸機策之未康初

州又舉寒素大司馬辟東閣祭酒

王接永寧初舉

秀才歲天下秀孝一皆不試除中郎

阮神察孝

廉為公

列傳華譚太康中刺史嵇紹舉譚秀才武

帝親策之

凡五問

時九州秀孝策無逮譚者除郎中

本國中正 鄧攸祖父殷有賜官敕攸受之太守勸

攸去王官欲舉為孝廉攸曰先人所賜不可改也

陳

勸虞喜察舉不就

元帝初詔揚州歲舉秀孝

二人諸州各一人不復策試既而申舊制皆令試經

不中科者免刺史太守

後莫攸應命

太興三年尚書

孔坦議請普延五歲許其講習詔孝廉申至七年

才如故

太典初陳頤言晉江外初平故貢舉不試宜漸循舊試以經策又宜開舉武畧任將率者

舉十得

一猶勝不舉 湘州刺史甘卓備禮舉桂陽

谷儉爲

秀才諸州秀才聞當考試皆憚不行性儉

人致臺

送不復策試儉恥其州少士乃表求試以

高第除

郎中 華譚守廬江舉寒族周考孝廉

宋

制州秀才郡孝廉皆策試天子或親臨之

隋志宋元嘉策孝秀

文十卷梁有孝公卿所舉屬吏部銓用齊策秀才格

秀對策

十二卷 公卿所舉屬吏部銓用齊策秀才格

文選有

未明九年十一 五問並得爲上四三爲中二

爲下一不合與第從駱宰之議也然不覈才德

梁天

監初丹楊尹王志欲歲首舉吉獬純孝楊州中正薦

之敕太常旌舉

元魏太和十七年正月臨思義殿策

問秀孝

太和初孫惠蔚郡舉孝廉對策中書省

隋開皇中劉焯舉秀才

射策甲科

隋世重秀才天下不十人杜正倫一門三

秀才皆高第

大業十一年五月詔舉郡孝悌廉潔

各十人

大業末張行成察孝廉王績舉孝悌廉潔

校秘書正字 岑文本郡舉秀才不應

策

晉六條

武紀魏咸熙三年十一月

令諸郡中正以六條

舉淹滯一曰忠恪匪躬二

敬盡禮三歸養子兄

弟四曰潔身勞謙五曰信義可復六曰學以爲己

宋明帝泰始六年置總明觀祭酒一人有玄儒文史

四科科置學士各十人

隋舉賢良 十科 四科 二科

紀文帝開皇二年正月甲戌詔舉賢良十二月丙戌
賜國子生經明者束帛十 七月丙子詔以志行

脩謹清平幹濟二科舉人 煬帝大業元年七月丙

子詔國子等學具爲課試法三年四月甲午詔十科
舉人孝悌有聞德行敦厚節義可稱操履清潔彊毅
正直執憲不撓學業優敏文才美秀才堪將畧齊力
驍壯文武職事五品以上舉有一於此不必求脩五
年六月辛亥詔四科舉人學業才藝齊力絕倫堪理

政事立性正直

隋進士科

紀文帝開皇七年正月乙未詔諸州歲貢三人

下制

禁文筆之爲浮詞者

煬帝置進士科

孝廉秀才猶有鄉舉里選

諸侯貢士之遺法至煬帝始變之

煬帝置

進士科猶試策而已唐劉思立奏加雜文

隋文帝罷州郡之辟廢鄉里之舉內外一命悉歸吏

曹班列皆由執政

隋試秀才

杜正玄開皇十五年舉秀才試策高第左僕

射楊素志在試退正玄乃手題使擬司馬相如上林

賦王褒聖主得賢臣頌班固燕然山銘張載劔閣銘
白鸚鵡賦曰可至未時令就正玄及時並了素曰誠
好秀才弟正藏十六年舉秀才時蘇威監選試擬賈
誼過秦論及尚書湯誓匠人箴連理木賦儿賦弓銘
應時並就

南齊孔休源州舉秀才徐孝嗣省其策深善之

唐取士令 取士科 選士法 貢舉條

目

選舉志唐取士之科多因隋舊大要有三由學館曰
生徒由州縣曰鄉貢其科之目有秀才明經俊士進

士明法明字明筭一史三史開元禮道舉童子明經
之別有五經三經二經學究一經三禮三傳史科此
歲舉之常選也天子自詔曰制舉以待非常之才凡
學六又有州縣學凡館二見上至於制舉內自京師
外至州縣有司常選之士以時而舉天子又自詔四
方德行才能文學之士又有武舉凡貢舉非其人者
廢舉者校試不以實者皆有罰其教人取士著於令者
大畧如此有司選士之法因時增損不同大抵衆科
之目進士爲貴通典載貢舉非人之律又按令文
科第云云見後

百官志

禮部掌貢舉之政

一六

令二十七篇十選舉十一考課

以功令頒諸官注云古今選舉令

通監廣德元年六月癸酉禮部侍郎楊綰請令縣令
察孝廉上命諸司通議敕禮部具條目以聞綰又請
置五經秀才科七月戊辰綰上貢舉條目秀才問經
義二十條對策五道國子監舉人令博士薦於祭酒
祭酒試通者升於省如鄉貢法明法委刑部考試或
以爲明經進士行已久不可改遂不行 文粹舒元
輿上書每歲禮部格下天下未有不言察訪行實苟
不如格抵罪舉主又於格中程之人數每歲多者不
出三十少或不滿二十欲詔有司按三代故事明修

格文使人貢者皆茂行實不拘人數

唐六科 二科 九科 四科

六典禮部尚書侍郎凡舉試之制每歲仲冬率典計

偕其科有六一曰秀才

試方畧策五條此科取人稍進貞觀後遂絕

二曰

明經三曰進士四曰明法五曰書六曰算

凡明經先帖經然後

口試并答策

進士先帖經然後試

雜文及策

明

法試律令

明書試說文字林

明算試九章海島

孫子五曹張丘建夏侯

凡此六科求人之本必取精

陽周髀五經綴術緝古

究理實而升爲第其弘文崇文館太學生雖同明經

進士以資蔭高試取初通文義

太廟郊社齊郎試兩經文義粗通補授考

滿簡試

國子監大成十員取明經及第人試日龍

平言并口試仍策所習業十條通七然後補各授職

官令於學內習業
以通四經爲限

通典初秀才科等最高試方畧

策五條有上上中上下中上凡四等貞觀中有舉

而不第者坐其州長由是廢絕士族趨嚮唯明經進

士二科而已

開元二十四年以後復有秀才舉時以進士漸難而秀才本科無帑經雜文反

易於進士主司以其科廢久不欲收獎應者多黜之三十年來無及第者至天寶初禮部侍郎韋陟始請令官長特薦其常年舉送並停顯慶二年劉祥道陳六事其五曰

國家四十年未有秀才之舉請搜訪優獎不然斯舉

遂絕

按登科記末徽元年猶有秀才劉峯一人二年始停秀才舉唐史韓思復徐堅舉秀才及第

與六典通典不同
唐州刺史崔樞欲舉任敬臣秀才自以其學未廣趣去州欲舉張昌齡秀才以科

廢久固辭
更舉進士

舊紀高宗顯慶五年六月辛卯詔文武

五品已上

一本云詔內外官

四科舉人

孝悌德行經史儒術藻思詞鋒廉平彊直

肅宗乾元二年五月丁亥御宣政殿試文經邦國

等四科舉人

代宗大曆二年十月癸卯上御紫宸

策試茂才異行安貧樂道孝悌力田高道不仕等四科舉

人六年四月丁巳御宣政殿試制舉人至夕策未成

者令太官給燭俾盡其才宣宗大中十年三月中

書門下奏據禮部貢院見置科目開元禮三禮三傳

三史學究道舉明筭童子等九科近年取人頗濫無

實藝可採臣延英面論望起大中十年權三年滿後

令有司據所舉人先進名令中書舍人重覆問其童

子多年齒已過望今州府薦送湏實年十一二已下

精熟一經從之

陸贄傳說黜陟使以三科登俊又

茂異賢良幹蠱

白居易集自貞元已來用三科取

士詳明政術可以理人其一也

儒學傳序自楊綰

鄭餘慶鄭覃等以大儒輔政議優學科先經義黜進

士後文辭亦未能克也

舉遺逸

崔圓開元中詔舉遺逸建中初黜陟使趙贊薦袁滋起處士授校書郎韋夏卿薦處士

竇群德宗擢拾遺

長慶二年七月召李源德舉宗室

異能

李麟舉宗室異能舉將帥王仁皎景龍中以

果毅

馬燧父季龍舉孫吳周黨善兵法利天寶初詔舉智謀果決才堪統衆者拾遺張鉞薦來瑱

唐明經舉 明經著令

志明經之別有五經三經二經學究一經三禮三傳

禮記春秋左氏傳爲大經詩周禮儀禮爲中經易尚

書春秋公穀傳爲小經先帖文然後口試經問大義

十條答時務策三道亦爲四等孔穎達傳隋大業初舉明經高第高

祖詔諸州明經秀才俊士進士明於理體爲鄉里稱

者縣考試州長重覆歲隨方入貢通鑑武德七年二月

明一經以上水竹者咸以名聞進士試讀經史一部

科其初止試策貞觀八年詔加進士試讀經史一部

明會要貞觀九年五月二日敕上元二年會要正月
明經兼習周禮儀禮者減二選明經加試老子策二條進士三條會要儀鳳三年五月
明經加試老子策二條進士三條月詔道德孝經爲

上經須兼通餘經及論語永隆二年考功員外郎劉思立建言明

經多抄義條進士唯誦舊策皆亡實才而有司以人

數充第乃詔自今明經試帖麤十得六以上進士試

雜文二篇通文律者然後試策通典調露二年考功員外郎劉思立始奏

二科並加帖經其後又加老子孝經使兼通之至永淳二年三月詔並試策三道開元五年

會要九月八日始令鄉貢明經進士見訖國子監謁先師學

官開講問義有司具食五品以上官及朝集使皆往

閱禮 **會要**開元八年七月九日司業李元瓘言禮

記文少人皆競讀周禮儀禮公穀四經殆絕請習四

經者帖十通五許其人策十六年十二月二十四日

祭酒楊瑒奏有司帖試明經不質大義乃取年頭月尾孤經絕句且今習春秋三家儀禮者纔十二恐諸家廢無日請帖平文以存學家其能通者稍加優官

獎孤學因詔習四經者出身不任散官遂著令爲瑒

立頌太學門十七年三月丙辰有司考功奏限明經

進士及第每年不過百人瑒上言流外出身歲二千餘人而明經進士不能居什一是服勤道業之士不如胥吏之得仕也二十一年注老子成正月一日詔天下家藏其書貢舉人減尚書論語策而加試老子二十五年二月二十二日詔今之明經進士則古之孝

廉秀才近進士以聲韻爲學多昧古今明經以帖誦
爲功罕窮旨趣每經宜帖十取通五以上免舊試一

帖問大義十條取六以上免試經策十條答時務策

十道進士停小經準明經帖大經十帖取通四以上

試雜文及策明經有通五經進士精通一史試策十

條得六以上奏聽進止因侍即姚奕奏六典注云
帖經通五以上然後試

天寶元年四月三日加爾雅代道德經十二載六月

八日禮部奏帖經既前後出一行十一載十二載
月十三日敕加至

通六貞元元年四月十一日習道德經以代爾雅十

二年三月十七日司業裴肅奏依前加爾雅志詔明
經習律

以代爾雅元和二年十二月明經停口義復試墨義十條

五經取通五明經通六七年十二月侍郎韋貫之奏

停墨義依舊格問口義開成四年十月詔每歲明經

第增十人儒學傳玄宗詔群臣及府郡舉通經士

通典按今文科第秀才與明經同爲四等進士與明

法同爲二等然秀才之科久廢而明經雖有甲乙丙

丁四科進士有甲乙二科自武德以來明經雖有丁

第進士唯乙科而已其進士大抵千人得第者百一二

明經倍之得第者十一二其制詔舉人不有常科皆

標其名而搜揚之試之日或在殿庭天子親臨觀之

試已糊其名於中考之又策高者授美官其次與出身開元後應詔舉者多則二千人少猶不減千人所收百纔有一會要貞元十八年五月敕明經不得過百人進士不過二十人無其人不必充數楊瑒

上言唐興二監舉者千百數當選者十之二考功覆校以第謂經明行脩故無多少之限李絳曰進士明經大抵百人吏部得官至千人私謂爲同年韓

愈曰天下以明經舉於禮部者歲至三千人始自縣考試升於州府州府又考試之定其可舉者貢於天子謂之鄉貢有司總州府所升考試之第其可進者

以名上於天子屬之吏部歲不及二百人謂之出身
權德輿知貢舉三歲所得士繼爲公卿取明經不
限員 李珣舉明經李絳以明經祿祿非所宜更舉
進士 張知譽兄弟五人俱高第 王彥威崔良佐

明經中甲科

明經爲名相者裴行儉裴炎狄仁傑敬暉崔玄暉杜
景佺賈耽盧邁杜暹董晉徐有功盧仁愿裴濯諳胄
子昂王義方玄感賈至李傑許孟容裴子餘尹思貞
褚無量王彥威丁公著韋授叔夏歸崇敬穆寧崔
良佐皆爲明臣 五經張嘉貞馮伉韋丹鄭欽說殷

侑 兩經韋温

唐進士舉

科目記

科第錄

志進士試詩賦時務策五道帖一大經經策全通爲
甲第策通四帖過以上爲乙第大抵衆科之日進士
爲尤貴而得人亦最盛方其取以辭章類若浮文而
少實及其臨事施設奮其事業隱然爲國名臣者不
可勝數遂使時君篤意以謂莫此之尚及後世俗益
偷薄上下交凝因以謂按其聲病可以爲有司之責
捨是則汗漫而無所守遂不復能易嗚呼乃知三代
鄉里德行之舉非壘治之世莫之能行也寶應二年

禮部侍郎楊綰上疏言

通監廣德元年六月癸酉綰上疏七月方改元

進士

刊起隋大業中時猶試策高宗朝劉思立奏加進士

雜文明經填帖故進士皆從當代之文不通經史明

經但記帖括又投牒自舉請依古察孝廉其明經進

士及道舉並停詔李栖筠李廙賈至嚴武議栖筠等

議南北分裂人多僑處欲復古鄉舉里選頗恐未盡

請兼廣學校十道大郡置大學館遣博士出外以教

生徒保桑梓者鄉里舉焉在流寓者庠序推焉乃詔

明經進士與孝廉兼行先是進士試詩賦及時務策

五道

貞觀八年三月三日進士加讀經史一部

明經策三道建中二年二十

月中書舍人趙贊知貢舉乃以箴論表贊代詩賦而皆試策三道太和八年禮部復罷進士議論而試詩

賦文宗從內出題以試進士謂侍臣曰吾患文格浮

薄昨自出題所試差勝

按高銜本傳云開成元年二月癸未宰臣奏事紫宸殿帝

日云

乃詔禮部歲舉登第者三十人苟無其人不必

充其數是時文宗好學嗜古鄭覃以經術位宰相深嫉進士浮薄屢請罷之文宗曰敦厚浮薄色色有之

進士科取人二百年矣不可遽廢因得不罷

通鑑太和七年

李德裕請依楊綰議進士試論議不試詩賦八月庚寅停試詩賦禮部奏尤試帖經畧問大義次試議論

一首大義以通二通四爲格明年後並依此例

武宗

卽位宰相李德裕尤惡進士罷期集參謁曲江會題
名嘗曰臣無名第不當非進士臣祖天寶末以仕進
無他岐勉強隨試一舉登第自後家不置文選蓋惡
其不根執實然朝廷官須公卿子弟爲之何者少習
其業目熟朝廷事臺閣之儀不教而自成寒士縱有
出人之才固不能開習也則子弟未易可輕德裕之
論偏異如此然進士科當唐之晚節尤爲浮薄世所
共患也 會要貞觀八年三月三日詔進士試讀一
部經史二十二年九月考功員外郎師旦言張昌齡
王公瑾體性輕薄文章浮豔擢之恐後生相効後並

如其言調露二年四月考功員外郎劉思立請帖經

及試雜文

先時但試策

永淳二年三月詔舉人並試策三

道開元二十四年十月侍郎姚奕請進士帖左氏傳

禮記通五及第

官志

天寶九載置廣文館有知進

士助教

柳文

每歲借計吏而造有司者僅半孔徒

之數春官擢甲乙而升司徒者於孔氏高第亦再倍

焉

宋朝李淑曰唐調露二年劉思立以進士止試

策不盡其學請帖經以觀其學試雜文以觀其才自

此沿以為常永隆二年試雜文二篇通文律者始試

策天寶十一年試一大經能通者試文賦又通而後

試策五條皆通為中第建中二年趙贊請試以時務

策五篇箴論表贊各一篇以代詩賦大和三年試帖

經畧問大義取精通者次試論議各一篇八年禮部

試以帖經口義次試策五篇問經義者三時務者二

厥後變易遂以詩賦為第一場論二策三帖經第四

場會要大中十年四月侍郎知舉鄭顥進諸家

科目記十三卷東觀奏記曰武德至大和付翰林自今放榜後

寫及第姓名及所試詩賦題進入每歲編次藝文

志崔氏失顯慶登科記五卷姚康科第錄十六卷長慶

二年五月十二日叙曰自武德已來登科名氏編紀凡十餘家皆不備具康錄武德至長慶二年列為十

三卷漢元帝詔云歲以此科第郎從官遂題爲科李
第錄自三年畢天祐丙寅續爲五卷合十六卷

奕唐登科記二卷

三家二卷

文場盛事一卷

中興書

目崔氏登科記一卷載進士諸科姓名

貞元十七年三月丁亥校

書郎趙修序曰武德五年詔有司特以進士爲選士
之目仍古道也顯載進士續之者自元和方列制

科起武德五年迄周顯德六年崇文總目有樂史
脩定四十卷今亡雍熙三年正月樂史上登科記

三十二卷唐登科文選五十卷貢舉
事類解各二十卷以爲著作郎直史館

紹興三十年

十月洪适重編唐登科記爲十五卷一以姚氏爲正

天寶後則以三本合爲一

書目諱行錄一卷以四

聲編進士族系名字行第宦秩及父祖之諱主司名

氏起興元元年盡大中七年

宋敏求撰諱行後錄五

卷文場盛事一卷所載皆唐人世取科第及父子兄弟門生座主同時者五代登科記一卷起梁開平二年至周顯德六年姓名及試題

薛登曰方今舉士詔下陳篇希恩奏記誓報俗號舉人皆稱覓舉禮部采名譽觀素學故預投公卷柳宗元上權德輿溫卷後周竇儀請進士省卷納五軸以人

柳宗元貞元得進士第上問有司曰得無以朝士子冒進者乎有司以聞上曰是抗奸臣者吾知其不爲子求舉矣

韓愈送齊皞序兄爲相出浦朝之碩臣皆舊交有司

逋枉齊生王參元家積具士之好庶不敢道其善

白居易性習相近遠賦迴爲孤授放馴象賦皆當時
試禮部對偶之外意義可觀

唐俊士

志唐取士之科有俊士開元七年敕通一經有文辭
史學者入四門學爲俊士六典注梁武帝欲招來

後進五館生皆引寒門俊才即今之俊士也隋志同

會要開元二十一年五月敕州縣學生年二十五以

下八品子若庶人二十一以下通一經及未通經而

聰悟有文辭史學者入四門學爲俊士。卽諸州貢舉
省試不第願入學者亦聽。

百官志

見四門學

唐制舉 制舉科目圖 茂才

志天子自詔者曰制舉。所以待非常之才。其所由來
遠矣。自漢以來。天子常稱制詔。道其所欲。問而親策
之。唐興。天子自詔。四方德行才能文學之士。或高蹈
幽隱。與其不能自達者。下至軍謀將略。翹關拔山。絕
藝竒技。莫不兼取其爲名目。隨其人主臨時所欲。而
列爲定科者。如賢良方正。直言極諫。博通墳典。達於
教化。軍謀宏遠。堪任將帥。詳明政術。可以理人之類。其

名最著而天子巡狩行幸封禪太山梁父徃徃會見
行在所以待之之禮甚優而宏材偉論非常之人亦
時出於其間不爲無得也 會要兼實錄 永隆元年云

調露元年十月五日

御武成殿問岳牧舉人員半千對載

初元年策問貢人于洛城殿開元八年三月一云九年四月

甲戌上親策試於含元殿謂曰古有三道今減從一道

令有司設食

舊紀云古有三策今減二策近無甲科朕將存其上第

十四年七月

御洛城門試應岳牧舉二十五人

孫逖傳開元十年舉賢良方正玄宗

御洛城門引見命蓋晉等第其文異等

天寶十三載十月一日御勤政

樓試四科舉人問策外更試詩賦制舉試詩賦自此

始乾元二年御宣政殿試四科舉人五月制舉科以
賢良方正及第者在神龍三年則有蘇晉等五人以
直言極諫及第者在開元二年則有梁昇卿等二人
以賢良方正能直言極諫及第者建中元年姜公輔
等四人貞元元年韋執誼等十四人四年崔元翰等
十五人十年裴垣等十四人元和三年牛僧孺等十
一人長慶元年龐嚴等十一人寶曆元年唐仲等十
六人大和二年李邵等十九人以博通墳典達於政
化登第者貞元元年熊執易等二人十年朱頴一人
元和三年馮苞等二人長慶元年李思元一人以軍

謀宏遠材任將帥及第者元和三年樊宗師一人樊宗

師三世以軍謀堪將帥策上第長慶二年吳思等二人寶曆元年裴

儔等二人太和二年鄭冠等二人以詳明政術可以

理人及第者貞元十年張平叔等二人長慶元年崔

郢志烈秋霜韓思彥幽素科蘇瓌辭殫文律崔融文

藝優長韓琬絕倫科蘇頲盧從愿材堪經邦張九齡

文經邦國韓休韓休傳舉賢良元宗在東宮令條對國政與趙冬曦俱乙科道侔

伊呂張九齡哲人奇士隱淪屠釣孫逖智謀將帥崔

圓三人文辭秀逸顏真卿二人辭藻宏麗楊綰綰舉詞藻

宏麗科玄宗已試又加詩賦各一篇綰爲冠制舉加詩

賦由綰始文辭雅麗苗晉卿四人諷諫主文鄭珣瑜

二人文辭清麗吳通元奚陟梁肅六人

王緒舉草澤文辭清麗科

岳牧負半千

永隆元年

辭標文苑房晉三人

垂拱四

年

文藻儒素彭景直二人徇節寧邦薛稷二人長才

廣度張漪拔萃科崔翹二人疾惡科馮萬石龔黃科

馬克麾才膺管樂科盧絢九人才高位下馮萬石三人

抱器懷能夏侯銛藏名負俗李俊之藻思清萃趙冬曦

手筆俊拔杜昱七人良才異等崔翹二人文史兼優

康子元三人博學通議蕭誠二人博學宏辭開元十

九年鄭昉陶翰才識兼茂明於體用元和元年元稹

獨孤郁白居易等十六人孝悌力田建中元年郭黃中三人貞元四年張皓自志烈秋霜而下凡五十九科自顯慶三年至大和二年及第者二百七十人有人中數科者負半千陸元方崔融陽嶠舉八科皆中張鷟應下筆成章等七科皆中裴守真六科連中李懷遠擢四科孫逖中四科開元十年舉賢良方正玄宗第其文異等

席豫中三科

學兼流畧

詞擅文場手筆俊拔

崔圓韓思彥琬中二科圓

開元中詔舉遺逸以鈐誥對策甲科

柳公綽舉

賢良方正直言極諫間一歲再登其科張柬之

永昌元年賢良第一

時對策者千餘

歸崇敬天

寶中舉博通墳典科對策第一詔舉才可宰百里

者復策高第

房瑄舉任縣令科

韋處厚擢才識

兼茂科賢良方正異等

裴度以宏辭補校書郎

舉賢良方正

鄭亞舉進士賢良拔萃三中其科

楊仲昌元稹對策第一

白居易制策乙等

呂

元膺賢良高第

韓臯異等

韋夏卿大曆中高

等

牛僧孺以賢良對策與李宗閔皇甫湜俱第

一楊於陵程其文

劉蕡對策過古晁董第策官

馮宿等畏中官不敢取

鮑防傳貞元元年策

良得穆質裴復柳公綽歸登崔邠韋純等世美防
知人 劉夢得云皇唐文物與漢同風張說九齡
姜公輔裴均元稹韋處厚牛僧孺咸用對策甲天
下繼爲有聲宰相古今相望磊如騎星辰 天寶
中王翊治兵家擢才兼文武科 解琬中幽素科
高適舉有道科

舊記貞觀十一年四月丙寅詔舉孝悌淳篤儒術該通
文辭秀美明識政體志行修立者給傳詣洛陽宮十五
年六月戊申詔舉學綜古今孝悌淳篤文章秀異者以
米年二月集泰山中興書目唐制舉科目圖一卷鄭元
翰撰

武德初崔仁師擢制舉。張行成代計吏集京師。

擢制舉乙科。貞觀初謝偃應詔對策高第。永

昌中武后策賢良方正詔吏書李景誥糊名較覆

張說所對第一。后置乙等授太子校書郎。大和

四年正月詔賢良方正詳閑吏理等科。令常參官

牧守各舉所知。草澤聽自舉。徐楚璧初應制舉

三登甲科。大曆六年四月親試諷諫主文等科。

孔昌寓貞觀中對策高第。

開元二年六月甲子制茂才異等咸令自舉。是年設

五言極諫科。薛元本茂才名動里中。刺史行鄉飲

餞之主人揚觶曰孝子家忠于國今始克賦請行無
筭爵儒林榮之擢第又舉文藝優長賢良方正連中
許景先舉手筆俊拔茂才異等 李又茂才異等
高郢舉茂才異行高第 殷踐猷文儒異等科

唐鄉貢 禮部選士

志舉選不繇館學者謂之鄉貢皆懷牒自列於州縣
試已長吏以鄉飲酒禮會屬僚設賓主陳俎豆備管
絃牲用少牢歌鹿鳴之詩既至省皆疏名結款通保
由戶部集閱而關於考功員外郎試之

太宗時冀州進士張昌齡

王公謹有各當時考功員外郎王師且不奏以第帝問其故曰二人文采浮華擢之將誘後生弊風俗

會要正觀二十二年九月師旦知舉玄宗開元五年九月八日始令鄉

貢明經進士見訖國子監謁先師學宮開講問義有

司具食清資五品以上官及朝集使往閱禮二十四

年考功郎李昂登科記作李昂爲舉人詆訶帝以員外郎望

輕三月十二日舊紀三月乙未移貢舉於禮部以侍郎主之

禮部選士自此始二十五年丁丑始命侍郎姚奕與舉舉人舊重兩監

後世祿者以京兆同華爲榮而不入學天寶十二載

七月十三日敕天下罷鄉貢舉人不由國子及郡縣

學者勿舉送十四載復鄉貢會要至德元年以後依前鄉貢

天授二年右補闕薛登諡光上疏曰古之取士考素

行之原詢鄉邑之譽以計貢賢愚爲州之榮辱是以
李陵降而隴西慙段于隱而西河美魏取放達晉先
門閹梁陳尚詞賦隋置進士等科後生緝綴小文名
曰策學願降明制收實用文試効官武閱守禦 長
壽二年十月劉承慶請貢人元日列方物之前以脩
克庭之禮制可 寶應二年楊綰以進士不鄉舉但
試詞賦浮文非實請置五經秀才科詔群臣議賈至
議以爲鄉舉取人未盡請廣學校 元和中舒元興
舉進士見有司鈎校苛切上書言宰相公卿繇此出
而有司以棘人待之非下賢意羅棘遮截疑其奸非

所以求忠直詩賦微蕪斷離經傳非所以觀人文化
成也又言取士不宜限數今多者三十少止二十假
令歲有百元靴而吾格取二十謂求賢可乎歲有才
德纔數人而曰必取二十謬進乃過半謂合格可乎
考功異時多請託進者濫冒歲數百人開元初員
外郎王丘務覈實材登料纔滿百議者謂自武后至
是數十年來錄精明無丘比其後席豫嚴挺之亦有
稱然出丘下

下無雙

朝唐初考功郎嘗味道見張鷟對稱天

激譁取人以一日試定高下開元中侍郎
韋陟許西通所工先就其能試之已乃程考由是無

遺才 乾元初侍郎李揆忠取士不考實徒露搜索

禁所挾乃大陳書廷中人人稱美 高郢司貢部三

歲絕請謁柳浮華 韋貫之抑浮華先行實常奏禮部

侍郎重於宰相 貞元中權德輿奉詔定賢良升各

士十七人及爲禮部侍郎擢第者七十有三鸞鳳杞

梓舉集其門登輔相之位者前後十人

柳宗元上權德輿溫卷

開成元年高錯權知貢舉文宗自以題界有司錯

以籍上帝曰比年文章卑弱今所上差勝於前卽以

爲禮部侍郎閱三歲頗得才實始歲取四十人才益

少詔減十人猶不能滿

會要太和四年格不得過二十五人九年十二月加至四

十人開成元年二年三年並錯知舉恩賜題日及
第者四十人 二年令狐綯獎譽李商隱擢第

李宗閔以舍人典貢舉所取多名士世謂玉筍 杜

牧曰自房梁公已降有大功立大節率多科第人

武宗患選士不得才命王起以左僕射典舉凡四舉

士皆知名者貢舉以禮部侍郎專焉或以它官領者多用中書舍人及諸司四品官惟會昌

中命太常卿王起乃檢校僕射

志初舉人既及第綴行通名請主司第謝其制序立

西階下北上東向主人席東階下西向諸生拜主司

荅拜乃叙齒謝恩遂升階與公卿觀者皆坐酒數行

約赴期集又有曲江會題名席李德裕奏國家設科

取士而附黨背公自爲門生自今一見有司而止其期集參謁曲江題名皆罷。

唐考功別試 兩都試 兩都舉選

志禮部侍郎親故移試考功謂之別頭

一本云開元二十九年十一月九日侍郎韋陟奏掌舉官親族皆本司郎官

考試事在嫌疑請移送考功試侍郎覆定從之貞

元十六年中書舍人高郢奏罷議者是之

貞元十六年舍人高

郢掌貢舉奏停別試議者是之會要十二元和中十月敕罷別頭試齊抗傳謂抗爲相時奏罷

三年權知禮部侍郎庾承宣奏復考功別頭試

十月庾承

宣請復考功別頭試太和三年考功員外郎高錡取士有不當

監察御史姚中立又奏停考別頭試六年侍郎賈餗

又奏復之。

志廣德二年侍郎賈至言歲方嘉歎舉人赴省者兩都試之兩都試人自此始。

會要永泰元年七月始置

兩都貢舉侍郎以知兩都爲名兩地別放及第大曆

十一年停東都貢舉是後不置。

十年五月十九日敕今年舉人悉赴上都

準舊例十月二十五日隨考使到戶部太和元年七月權於東都置舉

其上都國子監舉人試如故。

吳武陵傳太和初侍

郎崔郾試進士東都公卿祖道武陵曰君方爲天子

求奇才敢獻所益因出杜牧所賦阿房宮武陵請曰

牧方試有司請以第一人處之郾謝已得人至第五

牧果異等

會要會昌三年二月中書門下奏舉人

不許於兩府取解並試于兩都國子監大中元年六

月於京兆河南集試如舊條

令狐楚貢進士京兆尹將薦為第一遜許正倫

而下

舊紀廣德二年九月己未左丞楊綰知東京

選禮部侍郎賈至知東都舉兩都分舉選自至始也
大曆十五年五月癸卯罷兩都貢舉都集上都

唐覆試

志

兼列傳
會要

高祖詔諸州明經秀才俊士進士縣考試

州長重覆歲隨方入貢崔沔舉賢良方正高第不中
者誦訾之武后敕有司覆試對益工遂為第一開元

中二、十五年二月二十日侍郎姚奕奏

詔禮部考試畢

會要云造所士唱第說

所

試雜文及策送中書門下詳覆其後中廢建中三年

四月詔及第者送名中書門下重加考覈長慶元年

侍郎錢徽所舉送覆試多不中選由是貶官而舉人雜

文復送中書門下

志云元和十三年徽初當從傳

會要元年

三月丁未詔鄭朗等重試孤竹管賦不知其事今後
雜文及策先送中書門下詳覆四月丁丑黜朗等十
人溫業等二人粗通典及第段文昌奏徽三年正
取士以私詔白居易王起覆試而黜者過半

月侍郎王起言故事已放榜而始詳覆今請先詳覆

而後放榜議者謂起避嫌失職

大和七年八月敕弘

文崇文兩館生齋郎依令試經畢差都省郎官兩

大覆試太和八年正月王涯謂禮部取士先以榜示中書非至公之道自今一委有司會昌四年二月王起選士三十人而世胄五人獨收楊巖五年二月知舉陳商放及第二十七人三月學士白敏中重覆黜七人大中元年正月侍郎魏扶取二十三人奏封彥卿崔瑒鄭延休三人貴胄不敢取以詩賦封進學士韋琮考之中程二十三日並放及第詔有司不得別奏鄭畋舉進士年甚少有司上第籍武宗疑索所試自省乃可

唐舉孝廉

舊紀貞觀十七年五月乙丑手詔舉孝廉茂才異能

之士。會要貞觀十八年三月六日引汴鄭諸州所

舉孝廉賜坐於御前問以皇王政術及皇太子問以

曾參說孝經並不能答寶應二年即廣德元年六月二十

日癸酉禮部侍郎楊綰奏請依古察孝廉乃詔明經

進士與孝廉兼行志同 綰傳建復古孝廉力田等

依古制縣令舉孝廉于刺史升天子禮部詔有司參

議多是締言至議以為鄉舉取士未盡請廣學校

建中元年六月九日敕停孝廉科 **列傳**任敬臣舉

孝廉授著作局正字 韋虛心舉孝廉 歸登大厝

中舉孝廉高第 韋繩舉孝廉 牟綬舉孝廉又貢

進士禮部侍郎潘炎將以爲舉首遜于楊凝

唐明法

書學

筭學

見學校

志凡明法試律七條令三條

六典云每部十帖策十條律七條令三條

全

通爲甲第通八爲乙第

季朝隱中第擢至大理丞

會要貞元二

年六月敕明法能兼習小經帖義者通者比明經

會昌二年十月委中書門下精擇法官御史三人以

上取法官一人 文明元年四月敕內外官以當司

格式書于廳壁會昌四年七月大理卿劉濛於寺廳

粉壁重寫令式及格後敕

漢鄭崇父賔以明律令爲御史薛宣以明習文法補

御史中丞漢官曰大司農市長一人明法補員吏三十六人

唐道舉

志開元二十九年

會要二十五年正月十五日

置崇玄學習老莊

文列亦曰道舉

通典二十九年始於京師置崇玄館諸州置道學生徒有差謂之道舉舉

送課試與明經同

天寶十二載道舉停老子加周易寶應二

年六月二十六日停道舉

列傳康子元開元初詔

張說舉治易老莊者侯行果薦子元於說說以聞得

侍讀

元載天寶初舉明莊老列文四子學者載策

入高第

開元二十九年御興慶門親試明四子人姚子彥元載等

獨孤及天寶

末道舉高第 楊綰清停道舉

唐武舉

武后長安二年

正月十七日乙酉

始置武舉

每年準明經進士例送

其制有長垛馬射步射平射筒射又有馬槍翹關負重身材之選翹關長丈七尺徑三寸半凡十舉後手持關距出處無過一尺負重者負米五斛行二十步皆爲中第亦以都飲酒禮送兵部選用之法不足道故不復書 六典兵部員外郎掌貢舉有二科一曰

平射二曰武舉其試用有七日射長垛騎射馬槍步

射材貌言語舉動其高第奏聞

會要 武舉每

歲孟冬亦與計偕有二科

云云

開元十九年詔武貢

人與明經進士同行鄉飲酒禮二十六年十一月十四日敕武貢以求才實比委郎官未稱其事今後今有郎知武舉天寶元年十月三日敕長梁限以十篇六載正月制鄉貢武舉人上省先謁太公廟每拜大將及行師克捷告廟武舉每歲不過十人貞元十四年九月癸酉停鄉貢武舉諫議田厚奏挾持弓矢出入皇城間非所宜故停之

元和五年五月

壬辰

兵部奏取士之方文武並用請

復置武舉從之

傳薛登上疏願收實用試守禦吳

子曰一劍之任非將事也諸葛亮臨戎不親戎服此

豈弓矢之用也 王仁皎景隆中以將帥舉授甘泉
府果毅 郭子儀以武舉異等補左衛長史後平兩
京再造王室

漢邊弗靖勇略始求士不素養孰同其憂唐以翹關
用舉武士雖號得人教養弗至

唐開元禮舉 三禮舉

志取士科目有開元禮凡開元禮通大義百條策三
道者超資與官義通七十策通二者及第散試官能
通者依正員明經有三禮辛祕登開元禮科授博士 會要貞元

二年六月十一日敕舉人有習開元禮者同一經例

選人不限選數許集通大義百條策三道者超資與
 官義通七十策通二者不在放限九年五月二日敕
 通文義百條策三道者為上大義通八十策通二者
 為次元和八年四月吏部奏習開元禮者先授太常
 寺官以備講討從之貞元五年五月二日敕試三禮
 者問大義三十條試策三道全通為上大義通二十
 五策通二為次貞觀五年五月二日敕明經兼習周禮儀禮者減一選蘇晉
 傳舉大禮科上第登科記貞元五年始有開元禮
 一人殷侗及五經第學長於禮王彥威明經甲科
淹識古今典禮補檢討官歸崇敬治禮家學
 多議容真韓愈送陳宓序將易其業而三禮
 權明經

後周廣順三年八月開元禮三史各對義三百道

唐三傳科 史科

志科目有一史三史明經之別有三傳史科凡三傳科左氏傳問大義五十條公羊穀梁傳三十條策皆三道義通七以上策通二以上爲第凡史科每史問大義百條策三道義通七策通二以上爲第能通一史者白身視五經三傳有出身及前資官視學究一經三史皆通者獎擢之長慶三年會要二年二月諫議大夫殷侑言司馬遷班固范曄三史爲書勸善懲惡亞於六經比來史學廢至有身處班列而朝遷舊

章莫能知者。於是立史科。

舊紀云二史科

及三傳科。

會要三傳科請置三

傳科。又請置史科。每史問大義百條。從之。景雲元年十二月十一日。制習五經。綜一史。通三教。善六書。

傳雅曲。學孫吳。善敷奏者。吏部明試。二年。王楚玉等八人以一史中第。史科至相者一人。朱朴以三史舉。

宋朝李維清開寶中以三史解褐。

後唐劉熙古

長興中舉三傳。

唐童子科

志童子科。十歲以下能通一經。及孝經論語誦文十

通者。予官。通七者與出身。

會要廣德二年五月庚

申。停童子歲貢。

禮部侍郎楊綽奏罷之。

大曆三年三月。敕童子

舉取十歲已下者。十年五月癸卯。停開成三年。詔不

得更有聞薦而以童子爲薦者比比有之大中十三年三月中書門下奏科目內開元禮三禮三傳三史學究道舉明筭童子等九科近年取人頗濫望權停三年後赴試者先進名中書舍人重覆其童子須實年十一二以下精熟一經從之

列傳員半千晉州

舉對詔高第 裴耀卿數歲能屬文擢童子舉 王

丘十一擢童子科他童皆專經而獨屬文 員淑九

歲詞辯注射 李泌奇童 楊炯舉神童 吳通玄

舉神童徐齊肅八歲能屬文太宗召試 呂方毅七

歲能誦經太宗召見賜束帛 劉晏玄宗封泰山八

歲獻頌 漢左雄奏汝南謝廉河南趙建年十二能
通經拜童子郎 臧洪年十五拜童子郎 黃琬以
公孫拜童子郎 司馬伯達年十二試經爲童子郎
梁岑之敬年十六策春秋左氏制旨孝經義擢高
第名入簡試除童子奉車郎 天監七年九月壬庚質
辰置童子奉車郎
八歲誦十賦拜奉車郎

唐殿試 詳見九科

志載初元年 二月辛酉

策問貢士于洛城殿殿試人

自此始 高宗永隆元年
武成殿

宋朝富弼言後漢文吏課殿

奏副之端門亦未聞天子親試也唐武后載初年始

有殿試此何足法

唐宗室監舉

志中宗詔宗室業成堪貢者宗正寺試送監舉如常法

漢宗正有郡國歲計上籍之文劉向以高材進對唐宗正寺歲送進士二十人與國子監京兆府相比李程李肱皆爲舉首

唐國子大成

志上元二年國子監置大成二十人取已及第而聰明者爲之天典大成初置二十人開元二十年減

十人通四經業成上東都試登第者加一階放選不
第習業如初三年一試九年無成免從常調

注見六

利尹思貞傳左右史張說尹元凱薦爲國子大成

唐國子舉

韋知人傳以國子舉授校書郎 會要開元二十六

年正月八日詔弘文崇文生貴胄子孫不專經業自
今依令式考試廣德元年七月二十六日敕經業務
須精熟字體皆得正樣通七者與出身不通者罷

志開元七年令弘文崇文國子生季一朝參貞元中
弘文崇文生未補者務取員闕以補速於登第而用

蔭乖實至有假市門資變易昭穆及假人試執者六

年詔宜據式考試假代者論如法

弘文生

徐齋助
裴行儉

房瑄韓洵崔植

楊

許孟容傳公主求補崇文生

仲弓通經爲修文生

會要云孟容爲禮部員外郎謂不可帝問狀以著令

對德宗嘉其守

垂拱元年七月魏玄同上疏

言選舉曰弘文崇賢之生課試旣淺藝能亦薄胄子
必裁諸學少則受業長而出仕少仕則廢學輕試則
無才又勲官三衛流外之徒不待州縣之舉直取於
書判非先德後言之誼

志中宗詔宗室三等以下五等以上未出身願宿衛

及任國子生聽之其家居業成而堪貢者宗正寺試送監舉如常法

唐孝悌力田科

見制科

會要開元二十六年正月敕孝悌力田風化之本比同舉大攷試辭策其狀迹殊尤者令長官特薦不隨考使例送寶應元年五月詔刺史薦孝悌力田二年七月又詔本州以名薦廣德二年五月二十四日庚申勅孝悌力田歲貢宜停

禮部侍郎楊綰奏罷

大曆元年十二月詔孝悌力田未經薦用者長官以名聞貞元四年又詔

楊綰傳建復古孝廉力田等科

與會要不同

蘇

瓌傳左庶子張大安表舉孝悌 閩朝隱傳中孝悌

廉讓科 神龍元年九月舉

孝友傳序以孝悌名通

朝廷者多間巷之民皆得書于史官

唐龍虎榜

歐陽詹傳晉江人與韓愈李觀崔群王涯馮宿庾承

宣聯第皆天下選時稱龍虎榜 時貞元八年侍詔陸

贄典舉進士二十三人 明水賦

崔群傳末冠舉

進士陸贄主貢舉梁肅薦有公輔才擢甲科 韓愈

日陸公司貢士所與及第皆赫然有聲由梁肅王礎

佐之梁舉八人無失者餘則王與謀焉

